

# Wantok


20t



Tok Promis



Saina Stailmeri p.15



**Somare  
Kam  
Bek**



# Somare Kam Bek

## SOMARE I KAM BEK.

Kantri i gat nupela Praim Minista nau, Michael Somare. Somare em i man i gat save long wok bilong ranim kantri. Dispela wok i no nupela long em.

Tasol long dispela taim, Somare i kam bek long gavman, PNG na ol arapela kantri long wol i gat bikpela hevi. Prais bilong ol samting long wol i no gutpela tumas. Prais bilong ol samting long stua i surik i go antap. Planti pipel i nogat wok.

Ol dispela bikpela hevi bai bungim Somare long taim em i kisim wok bilong PM. Ol pipel bilong kantri i lukluk nau long em. Bai em i mekim wanem long stretim ol dispela samting.

Mipela hop Somare i ken skelim gut ol man na makim ol minista bilong em long helpim em long dispela taim bilong hevi.

Gavman bilong Sir Julius i pinis nau. Ol i bin stap gavman long taim kantri i wok long pilim ol hevi bilong mani. Na Sir Julius i mekim gutpela wok long traime long daunim dispela hevi. Tasol long dispela em i no isi long mekim wok bilong PM.

Mipela i tok welkam long nupela gavman. Na tenk yu long lain bilong Sir Julius.



Michael Somare i tokaut olsem Mista Paia Wingti bai kamap Namba tu bilong em. Tupela i bung long Kokoda Trel Motel na autim toktok.

## Nupela Minista

**MICHAEL SOMARE** - Plis na Difens Fos, Nesenel Planing na Developmen. Praim Minista.

**PAIAS WINGTI** - Pangu - Transpot na Sivil Eviesen, Media, Praimeri Industri, Leba Emploimen na Kalsa. Namba Tu Praim Minista.


**ROY EVARA** - Yunaitet - Wok Saplai na Edukesen.

**MARTIN TOVADEK** - Yunaitet - Helt na Pablik Yutiliti.

**PHILIP BOURAGA** - Pangu - Fainens, Desentralisesen, Envaironmen na Konsavesen.

**RABBIE NAMBALI** - Pangu - Foren Afeas Na Tred, Mineral na Enaji.

**MATHEW BENDUM** - Pangu - Len, Jastis, Komes, Eban Developmen, Komyuniti na Famili Sevis.



Mista Dennis Young (Milen Be Rijenal) i kisim ples olsem Spika bilong Palamen insait long nupela gavman.

**BEL** guria na seksek bilong ol pati lida na ol memba i pinis. Lapun bikman bilong Papua Niugini politik, Michael Somare i kamap Praim Minista gen.

Dispela senis bai karim em na putim em bek long haus gavman long Waigani. Ol i rausim em long dispela haus long mun Mas, 1980 taim gavman bilong Chan-Okuk i autim em long wok Praim Minista.

Tasol nau em i kirap gen na sanap wantaim Yunaitet Pati. Yunaitet Pati i bin stap wantaim em long gavman bilong bipo. Tasol bihain Yunaitet Pati i kalap i go long Chan. Na long las de bilong mun Julai long dispela yia ol i kalap gen i go wantaim Somare.

Lida bilong Yunaitet pati, Mista Roy Evara, i kam bek gen na sindaun klostu long Somare. Tupela i no lus tingting long gutpela pren bilong ol long bipo. Tupela taim bipo Mista Evara i bin egensim gavman bilong Somare.

Long 1978 em i bin helpim long rausim Pangu-PPP Gavman. Na bihain gen long 1980 em i putim han na rausim Somare long gavman. Long dispela taim em i poroman wantaim Iambakey Okuk na kamapim pundaun bilong Somare.

Insait long dispela nupela gavman bilong ol, Roy Evara i kisim bek wok bilong em olsem Minista bilong Praimeri Industri. Na ol i makim Sir Julius i kamap Praim Minista. Bihain Evara i bikhet gen long Sir Julius. Wantu tasol em i raus i go ausait. Em yet i bin helpim Sir Julius long rausim Somare tasol bihain Sir Julius i rausim em.

Na Evara i go bek gen wantaim Somare. Tasol Evara i gat nem long kisim pasin bilong drip drip nabaut. Husat i save? Bai em i pas strong wantaim Pangu longpela taim o nogat? Yumi olgeta i bilong sambai tasol na lukluk long ol i stap.

### WANTOK NIUSPEPA

Nius i kamap 52 taim long yia nau.

Opis bilong Edita na Edvetaising long P.N.G.  
P.O. Box 1982, Borko  
Telepon: 252500 Teleks: NE 22213  
Edvetaising - Ph: 25 2304

LAE

Telepon - 42 2516

PE BILONG WANPELA YIA, 52 NIUSPEPA

Ples	Air	Surface
Port Moresby	-	K 13.52
Rest of PNG	K 26.00	K 26.00
Australia & Solomons Is	A\$ 65.70	A\$ 44.42
NZ & Pacific Island	US\$ 85.80	US\$ 50.00
America & Europe	US\$ 132.60	US\$ 66.30

## TAMBU TORO

**TORO WOK SEKURITI**  
EM LUKIM WANPELA MANKI KLOSTU LONG BANIS WAIA HOLIM BEK NA LUKLUK INSAIT.



**TORO HAMAIM HET BILONG MANKI LONG KOPI STIK**



**EM PULIM MANKI WANTAIM BEK I GO LONG BOS**



**MI HOLIM WANPELA !STILKAN**

**YU HET STON MANKI MUMUTUM OL BOTOL. EM I NO STIL**



# Nupela Gavman Kisim Sia

## OL MEMBA HUSAT I VOTIM SOMARE


Asimboro Ston - Ambunti Dreikirik Open  
 Avusi Tanoa - Kainantu Open  
 Bai Waiba - Nipa-Kutubu Open  
 Barry Holowe - Isten Hailans Provinsal  
 Bebes Korowaro - Goroka Open  
 Boyamo Sali - Morobe Provinsal  
 Caspar Anggua - Bogia Open  
 Christopher Sambre - Nuku Open  
 David Tul - Kerowagi Open  
 Ereman Tobaining - Is Nu Briten Provinsal  
 Epel Tito - Kavieng Open  
 Felix Tapineng - Telefomin Open  
 Francis Didman - Saten Hailans  
 Gabriel Ramoi - Aitape Lumi Open  
 Giri Yaru - Markham Open  
 Genjimp Mump - Middle Ramu Open  
 Halulu Mai - Tari Open  
 Harry Humphreys - Talasea Open  
 Henu Hesingut - Finsafen Open  
 Jack Genia - Abau Open  
 James Kupul - Jimi Open  
 John Kihena - Henganofi Open  
 John Nilkare - Chimbu Open  
 John Yaka - Kandep Open  
 Kala Swokim - Westen Provinsal  
 Karl Stack - Wes Sepik Provinsal  
 Kindi Lawi - Westen Hailans Provinsal  
 Labi Yabanoya - Okapa Open  
 Legu Vagi - Mosbi Saut Open  
 Lucas Waka - Wes Nu Briten Provinsal  
 Philip Laki - Angoram Open  
 Mafuk Gainda - Rai Kos Open  
 Marabe Makiba - Komo Margarima Open  
 Mark Ipuia - Lagaip-Porgera Open  
 Martin Tovadek - Gasel Open  
 Mathew Bendumb - Bulolo Open  
 McKanzie Jovopa - Sohe Open  
 Micah Wes - Vanimo Green River Open  
 Michael Pondros - Manus Provinsal  
 Michael Somare - Is Sepik Provinsal  
 Neapukali Keben - Kompiani-Ambum Open  
 Ningiau Masigili - Tewa-Siassi Open  
 Paia Wingti - Hagen Open  
 Parua Kuri - Dei Open  
 Tom Muliap - Usino Bundi Open  
 Tom Awasa - Huon Galp Open  
 Tony Bais - Wewak Open  
 Tony Siaguru - Mosbi Not Is  
 Pato Kakarya - Wapenamanda Open  
 Paul Torato - Enga Provinsal  
 Paul Kamod - Madang Open  
 Paul Wanjik - Wosera - Gaui Open  
 Phillip Bouraga - Nesenel Kapital  
 Pita Lus - Marpik Open  
 Pius Sangumai - Kandrian - Gloucester Open  
 Poate Andrew - Esa'ala Open  
 Pundia Kange - Ialibu - Pangia Open  
 Rabbie Namaliu - Kokopo Open  
 Roy Evara - Kikori Open  
 Soso Tomu - Kagua - Erave Open  
 Suinavi Otio - Laufa Open  
 Tani Kungo - Kabwum Open  
 Thomas Negints - Tabul - Nebilyer Open  
 Timothy Bonga - Nawae Open  
 Tom Pais - Madang Provinsal  
 Tony Ila - Lae Open

## OL MEMBA HUSAT I VOT LONG MOMIS

Akoka Doi - Ijivitari Open  
 Albert Kipalan - Wabag Open  
 Alois Koki - Pomio Open  
 Anthony Anugu - Saut Bougainvil Open  
 Aron Noaio - Kerema Open  
 Aruru Matiabe - Koroba Lake Kapiogo Open  
 Beona Motawiya - Kiriwina-Goodenough Open  
 Bill Ninkama - Gumine Open  
 Gai Duwabane - Daulo Open  
 Galeva Kwarara - Rigo Open  
 Glaime Warena - Imbongu Open  
 Jacob Lemeki - Samarai - Murua Open  
 James Pokasui - Manus Open  
 Joel Paua - Baiyer - Mul Open  
 John Jaminan - Yangoru - Saussia Open  
 John Kaputin - Rabaul Open  
 John Momis - Bougainvil Provinsal  
 John Numi - Sinasina - Yonggamugl Open  
 Joseph Aoae - Kairuku - Hairu Open  
 Julius Chan - Namatanai Open  
 Kamena Pilisia - Middle Fly Open  
 Lennie Aparima - Obura-Wonenara Open  
 Louis Mona - Gailala Open  
 Mahuru Rarua Rarua - Mosbi Not Wes Open  
 Malo Kinyafa - Unggai Bena Open  
 Neville Bourne - Menyamy Open  
 Noel Levi - Nu Ailan Provinsal  
 Pawa Sisioka - Karimui Nomane Open  
 Perry Jepi - Saut Fly Open  
 Peter Kuman - Kundiawa Open  
 Raphael Bele - Sentral Bougainvil Open  
 Robert Yabara - Chuave Open  
 Roger Palme - Angalip-Saut Wahgi Open  
 Sam Tulo - not Bougainvil Open  
 Simon Mumurit - Alotau Open  
 Stephen Tago - Noten Provinsal  
 Ted Diro - Sentral Provinsal  
 Warren Dutton - Not Fly Open  
 William Ank - Mendi Open  
 William Wi - Not Wahgi Open



Michael Somare i sainim nem bilong em long buk bilong Palamen. Dispela i makim promis bilong em long sanap olsem wanpela memba bilong Palamen na makim ol pipel bilong em.



Sief Justis Buri Kidu i opim Palamen na ol memba i sanap na tok promis long bihainim ol lo na wok bilong Palamen.

### LONG Mande, 2 Ogas, long 25 tu 3 klok long apinun, nupela Spika bilong Palamen, Mista Dennis Young i tokaut olsem Michael Thomas Somare i kamap nupela Praim Minista bilong PNG.

Em i winim Pater John Momis, kendidet bilong Pipel Progres Pati, Melanesien Alaiens na Nesenel Pati long 66-40 vot. Dennis Young memba bilong Milen Be Riginal i kamap nupela spika taim em i winim Warren Dutton kendidet bilong oposisen 66-42 vot.

Long dispela taim i gat samting olsem 700 pipel i wet ausait i stap long harim nius bilong nupela Praim Minista.

Taim spika i tokaut olsem Somare i kamap nupela Praim Minista, ol pipel ausait i paitim han na singaut wantaim. Oli soim amamas bilong ol.

Insait long haus Palamen i go ol pablik sevan, ol bikman bilong gavman na ol meri bilong ol memba i go sindaun. Ol i kam long moningtaim na sindaun inap 4 klok long apinun. Em long taim praim Minista i tokaut olsem Palamen bai kibung gen long hap-pas 2 long apinun long Fonde, 5 Ogas.

Long dispela de bai Gavana Jeneral Sir Tore Lokoloko i opim Palamen. Taim ol i vot long Parim Minista, Pater Momis i go sanap pas long han kais bilong Spika. Olgeta i laik vot long Momis i

bihainim em. Na Sir Julius i pes man long vot.

Bihain lain bilong Momis i vot pinis Somare i go sanap long han sut bilong sia bilong Spika. Han sut em sait we ol lain bilong gavman i save sindaun. Karl Kitchen i pes man tru long go vot. Olgeta i sanap long lain. Ol i raitim nem long pepa em klak bilong haus Mista Tony Elly i holim i stap. Tasol long vot long spika ol i givim aut pepa long sia ol memba i sindaun long en.

Moa long 50 plisman wantaim gan, na smok bom i lainim olgeta hap arere long rot i go antap long haus palamen. Na insait olgeta dua bilong palamen i gat plisman na plis dok i sanap was gut tru i stap.

Taim palamen i pinisim olgeta wok nupela Praim Minista i holim sotpela kibung wantaim ol niusman. Mista Somare i tok aut olsem i gat 6-pela minista bai lukautim ol bikpela wok insait long 2-pela wok em i givim long olpela gavman long pinisim olgeta wok insait long opis ol i bin holim.

tok amamas long Somare na tok wok P.M. i hat moa nau bikos i gat planti hevi i kamap long kantri.

Mista Somare i tokim ol niusman tu olsem em bai i no inap long salim smok balus bilong gavman hariap. Bai em i larim i stap 3-pela mun pastaim long em i tingting long salim. Em i tok larim ol bikman i yusim pastaim.



Wanpela olpela memba bilong Palamen stret em memba bilong Maprik, Sir Pita Lus. Sir Pita i bin stail gut tru long hat bilong kauboi na tit bilong pik long taim ol i bung long Kokoda Trel Motel.



Ol plisman i sambai i stap taim ol memba bilong Pangu na Yunaitet Pati i bung long Kokoda Trel Motel.

# KAG BOI, KLINA NA BISNISMAN

**OTO Buri em i wanpela man i gat namba.**

Em i stat wok olsem wanpela ketekis long ples bilong em. Orait bihain wm i wok olsem wanpela kago boi, na klina. Na nau em i papa bilong wanpela supamak long Lae.

**Susan Addison**

Nek wik bai Pater Gi bilong Wes Taraka i blesim na opim dispela supamak bilong Oto. Na bai ol i kilim ol pik na sipsip long mekim bikpela kaikai. Oto i tok, "Mi baim graun bilong mi hia. Na bai mi dai nau long Morobe."

Bus i karamapim pinis graun bilong em long asples bilong em Gembogl long Simbu Provins. Bipo long namba tu bikpela woa, Oto i bin skul inap 4-pela yia. Na bihain ol i makim em long kisim wok katekis long ples bilong em.

Oto i bin marit long 1946 na em i gat 5-pela pikinini bilong em. Olsem na em i kirap lusim ples bilong em na wokabaut long painim wok.

Em i wokabaut i go kamap long Bundi. Orait em i lusim Bundi na wokabaut i go long Ramu, lusim Ramu na i go kamap long Dumpu. Long taim Oto i kamap long Dumpu, em i painim

olsem mani bilong em klostu i pinis nau. Em i pilai kas wantaim 50 toea bilong em na em i winim K380. Na em i givim K30 i go long tupela wantok bilong em long wokabaut i go long Lae wantaim em.

Long maus rot long Watarais, ol i sindaun na wet i stap. Na bihain wanpela lendrova i kam na ol i kalap long en na i kam kamap long 10 mail long Lae.

Long Mande ol i go painim wok long Komwoks. Namba wan wok bilong ol em long wokabaut i go bek long Hailans olsem ol kagoboi bilong ol lain Japan. Ol dispela lain i kam long wokim pawa stesin long Yonki.

## WOK LEBA

Long taim ol i go bek long Lae, Oto i wok leba wantaim ol plama. Long taim Komwoks i pas long 1970, em i transpe i go long Yunitek. Nau pe bilong em i surik i go antap long K25 bipo em i save kisim K14 tasol long potnait.

Nau em i save bosim wok bilong klinim ol raunwara we ol pipia i save kapsait i go insait long en. Long dispela taim em i salim pikinini bilong em, John i go skul plama long Lae Teknikal Koles.

Na tupela i bungim mani bilong ol na ol i painim olsem mani i

kamap long K2,500.

Long dispela taim Oto i wanpela sios lida long Haikos Setelmen. Na em i bungim Pater Gi. Pater Gi i save lukautim ol Katolik studen bilong Yunitek. Na ol i kirapim wanpela program we ol studen i save goaut na wok long komyuniti.

Long dispela taim tu, man husat i menesa bilong Invesmen Kopresen, Alois Lavi, i bin stadi long Yunitek. Na Alois i tok, "Mipela i bungim Oto long taim mipela ol Katolik Studen, i save go wok wantaim ol pipel. Mipela i lukim dispela mani bilong Oto na mipela i tokim em long investim dispela mani bilong em.

Mipela i helpim em long askim Seving na Lon brens long Lae long Kisim K3,000 dinau. Orait mipela i askim ol olupela studen bilong St. Joseph Koles, Job Bildas, long wokim wanpela stua bilong Oto.

"Mipela i yusim dispela mani long wokim dispela stua. Na i nogat moa mani. Orait mipela i askim Seving na Lon long givim K500 moa long baim ol samting long putim long stua.

"Long 12 Julai, 1976, dispela stua bilong Oto i stat long salim ol samting. Mipela olgeta i amamas tru long dispela

de. Na long mun Novemba, mipela i bekim olgeta dinau long mani i kam long profit bilong stua."


Em nau, Oto i stat long stretim gut dispela bisnis bilong em. Em i baim ol frisa na askim Job Bildas long wokim wanpela haus bilong em klostu long stua.

Olgeta mun, Alois, i save helpim Oto long sekap long ol samting long stua na skelim bisnis bilong em. Na ol i lukluk long ol arapela rot Oto i ken bihainim long wokim bisnis i kamap gut.

Wanpela taim ol i harim olsem sampela lain long Madang i laik salim wanpela bisnis bilong ol. Na ol i draiv long nait i go kamap long Madang long glasim dispela bisnis. Na bihain ol i laik baim wanpela bisnis long Kundiawa. Ol i gat inap mani long baim, tasol wanpela politik man i kamap pas na em i baim dispela bisnis.

Orait, ol i pasim tok long wet na lukluk long ol bisnis long hap bilong Lae. Na Oto i baim 5,000 sea long Invesmen Kopresen olsem sekyuriti bilong em.

Oto i wok long Yunitek i stap inap 1978. Em i kisim bikpela sik long dispela taim na em i givap long wok bilong em long Yunitek. Na em i save



**Bikpela hatwok bilong Oto i pinis nau. Ol pikinini bilong em i ken sindaun isi na lukautim bisnis papa i hatwok long kirapim.**

stap na bosim stua bilong em. Pikinini bilong em, John, i lusim wok bilong em tu na helpim papa long stua bisnis bilong ol.

Alois tu i pinisim skul bilong em long Yunitek na em i lusim Lae long 1978. Tasol long taim em i save raun i go long Lae em i save go lukim Oto na

toktok wantaim em long dispela bisnis bilong em.

Em i tok, "Mipela ol studen i soim Oto tasol long rot na em yet i mekim ol wok bilong em. Long taim mipela i lusim em, bisnis bilong em i rangut na nau em i kamapim bikpela bisnis tru."

Nau, Oto i baim

2-pela blok graun long Is Traka long K10,000. Narapela pikinini bilong em Zacharias, i skul 3-pela yia nau long wok bisnis long Lae Teknikal Koles.

Na Oto i tok ol 3-pela pikinini husat i winim skul pinis bai bosim dispela bisnis bilong em long bihain taim.

# Bekos Ais Blok Saplai

**"SAPOS i no gat draipela san, yu no inap dring ais blok." Dispela toktok i kamap**

**long maus bilong Richard Bekos.**

Em i wanpela man husat i save salim ais blok insait long Lae

Siti. Sapos yu raun long Lae na lukluk long ol liklik bokis ais i go i kam, bai yu no inap abrusim Bekos Ais

Blok. Nau em i taim bilong ren long Lae Siti. Olsem na ol wilka na motobaik bilong karim

ais blok i no katim kona tumas. Taim bikpela san i kamap bai ol dispela wilka i pulap long maket na ples pilai insait long Lae.

Sapos yu no painim ol wilka long rot, no ken wari tumas. Yu go insait long wanpela stua bai yu painim wanpela Bekos ais blok long kolim gut bel bilong yu.

Bekos i save wokim kain kain ais blok. I gat planti kain kala na swit bilong ol ais blok. Save i stap long wan wan manmeri. Sapos yu gat laik long wanem kala, Bekos i ken stretim laik bilong yu.

Richard Bekos i no bin go long bikpela skul o yunivesiti na i kisim skul long koles o wanpela bisnis skul. No gat tru. Em i kisim likilik save bilong em long Finsafen Vokesenel Senta.

Dispela vokesenel trening senta i save

givim skul long kirapim olkain liklik bisnis. Ol kain wok bilong kamda, mekenik na planti ol arapela kain wok.

Richard Bekos i tok, "Mi bin pinisim skul long Gret 6. Na mi no gat sans long go insait long haikul olsem na mi go bek long ples. Mi wok long sindaun nating na tingting planti long liklik ples bilong mi, Zinko, klostu long Finschhafen."

Richard Bekos i stap long ples i go na em i les olgeta. Wan yia bihain em i putim nem long Finschhafen Vokesenel Skul. Em long 1978 yet.

Ol tisa bilong em i askim em long stap bek long skul na helpim ol narapela sumatin. Em nau ol i kirapim wanpela liklik haus bilong salim sel bilong nam-bis. Na tu Richard i helpim ol long wok mekanik. Na em kisim


wok olsem seketeri bilong skul.

Richard Bekos i tok, "Em i tru. Mi lainim gut ol wok, tasol skin bilong mi i les. Long wanem skul i peim mi long K2.00 tasol long wanpela wik. Olsem na mi tingting long kirapim wok bilong mi yet."

Tisa bilong em, Bob Taylor, i helpim em long statim bisnis bilong salim ais blok. Vokesenel skul tu i helpim em long kirapim dispela bisnis. Ol i wokim wilka na baim planti kain samting bilong wokim ais blok.

Long mun Jun 1974 Richard Bekos i ranim dispela wok. Na Bisnis Developmen Opis long Lae Siti i givim wanpela liklik rum bilong wokim ais blok. Skul bilong em i givim liklik helpim long baim ka na em i stat long wokim na salim ais blok long Lae.

i go moa long pes 5



**Richard Bekos i sanap wantaim ol lain husat i save raun long ol motobaik na wilka long salim ol Bekos Aisblok bilong em.**

# Laip Long Boda

**Ol pipel i sindaun klostu long boda namel long PNG na Wes Irian, ol i sindaun gut o olsem wanem? Ol i pren na wanbel wantaim ol OPM o nogat? Ol i pret long ol soldia bilong Indonesia o nogat? Ol i save i go i kam kalapim boda mak long laik bilong ol yet, o olsem wanem?**

Namba wan samting, yumi mas kliaim wanpela tingting. Nogut ol PNG i ting i gat wanpela banis long boda o wanpela waitpela lain olsem yumi save makim long ples pilai.



Nogat tru. I no gat wanpela lain olgeta. Long nambis bilong Niugini na bilong Papua i gat wanpela bikpela simen ston i stap. Na long Wutung inap long hap bilong Grin Riva - samting olsem 150 kilomita - i gat 5-pela maka tasol i stap. Long samplea ples we i gat rot bilong bus i save kalapim boda, i gat wanpela sain long tok Pisin na Bahasa Inonesia i tok save long boda mak. Em tasol.

Mi givim wanpela eksampel nau long laip bilong ol manmeri i sindaun klostu long boda nabaut long

stesis Wasengala. Hia i gat planti pipel long tupela sait wantaim i wantok na i wanlain. Long sait bilong yumi i gat stesis bilong Katolik Misin bilong Wasengla. Na long hapsait klostu tru long boda i gat gavman stesis Waris.

## Frank Mihalic

Olgeta pipel long tupela ples ol i bilong lain Walsa. Olgeta ol i wantok tru. Long taim bilong ol Holano Dats, boda mak i stap 40 kilomita insait tru long hap bilong PNG. Olsem na planti pipel nabaut long Imonda tu, bipo ol i bilong Dats Niugini, nau ol i bilong PNG. Man o meri i laik kalapim boda tude na go long hapsait, em i mas holim wanpela pas i kam long han bilong kiap i sindaun long Imonda.

Planti ol Walsa i save gut long ol OPM. Na long sait bilong mipela tu i gat planti man liklik ol i bin skul bipo long Wes Irian. Na tu sampela i bin stap insait wantaim OPM long taim em i stat. Oli wanbel long ol yet. Tasol ol i no laik ol OPM i ran i kam hait insait long Niugini, long wanem, dispela i bringim trabel i kam.

Na ol pipel i pret long ol soldia bilong Indonesia. Oli bin harim planti stori long ol soldia ya i bin kam long helikopta long morningtaim tru na tro moim ol hanbom i go daun long ol viles i bin helpim ol OPM na haitim ol.

Bipo long yia 1962 boda namel long Wes Irian na Niugini i no klia. Tasol long 1962 ol Holan na ol Australia i pasim tok long wanpela lain namel long Dats Niugini na Niugini. Long dispela yia 1962 Yunaitet Nesens i putim Dats Niugini long han bilong Indnesia na i tok, Indonesia i mas skulim ol pipel long kamap indepen- den olsem Australia i mas mekim long ol Papua Niugini. Yunaitet Nesens i givim oda olsem, bipo long yia 1969 ol Indonesia i mas larim ol Irian pipel i vot na autim laik bilong ol.

Ol i laik stap aninit long Indonesia o ol i laik kisim independens. Orait, long ol kain kain we ol Indonesia i trikim ol 800,000 pipel bilong Wes Irian long vot orait long stap aninit long Indonesia. Ol yet i makim 1025 spesel man i mas makim ol 800,000 pipel na vot long nem bilong ol.

Bikos planti lokal pipel i lukim na i pilim

na i harim ol dispela samting i kusai tasol, ol i bin kamapim lain OPM bilong kisim bek Wes Irian long han bilong ol Indonesia. Ol i hait long bus na i laik pait wantaim ol Indonesia. Tasol ol Indonesia i tokim ol olsem, "Yupela ol Niugini, yupela i wan wan tasol. Mipela Indonesia i olsem anis stret, mipela i planti moa. Sapos yu kilim wanpela, bai wan tausen i kamap senisim em, na bai ol i kamapim yupela olgeta. Yupela i no inap. Mobeta yupela i givap na i sindaun gut. Yupela i no inap tru long winim mipela".

Wanpela man bilong Wainda viles long boda, nem bilong em David Meho, em bipo i skul long ol Holan em i stori olsem long dispela nem "Irian". Irian em i wanpela sotpela tok ol Indonesia i bin wokim. Em i min olsem: I - "ikutila" - bihainim mi  
R - Republik  
I - Indonesia  
A - "anti" - egens  
N - Nederlan (kantri Holan)

Olsem na dispela nem Irian i min: "Bihainim ni, Republik Indonesia, mi pait egens long antri Holan."

Tasol dispela pait i pinis longtaim bipo. Olsem na ol OPM ol i no laik yusim dispea nem "Irian". Ol i laikim nem "Papua tasol". Na long tok ples Indonesia ol i kolim kantri bilong ol "Papua Barat." Ol manmeri long dispela sait em ol i wanbel wantaim ol



Dispela poto i soim mak bilong Wes Papua.

OPM, ol i save kolim kantri "Wes Papua", na i no "Wes Irian." Ol Indonesia yet i save kolim Wes Irian "Irian Barat". Ol i save kolim PNG "Irian Timur". Dispela tok "Jaya" o "Yaya" em i min "naispela". Olsem na Irian Jaya i min "naispela Irian". Na Jayapura i min "naispela taun."

Dispela man, David Meho, tude em i wanpela man i save ripot long boda long Foren Afeas opisa i stap long Imonda. Mama i bin karim em long 1939 long ples Wainda, antap stret long boda. Em i skul long Katolik Misin long Waris/Kainandega. Tude dispela em i bikstesis bilong

Indonesia long Wes Irian. David i skul long Tok Holan na tu long Bahasa Indonesia inap long Standet 6. Bihain em i go wok didiman 3-pela yia long Sentani, em ples balus bilong Jayapura. Bihain gen em i wok tisa inap long 1965 na nau em i kalap i kam insait olgeta long Niugini. Tasol em i bikman bilong ples Wainda.

Em i bilip olsem, mobeta PNG i gat sampela soldia biong em i stap nabaut klostu long boda. Indonesia i gat sampela soldia i stap long 6-pela ples. Ples Waris/Kainandega i gat samting olsem 150 soldia. Long hap bilong mipela long Imonda i gat ples balus

na wanpela plisman tasol i stap. Long Grin Riva na Amanab i gat smolpela lain plisman i stap. Wanpela taim long yia i gat sampela soldia PIR i go patrol long boda. Em tasol.

Olgeta stesis na viles i stap klostu long boda, ol i tambu long groim ol bulmakau na kopi na kakao. Nogut sampela sik bilong ol dispela samting i stap long Irian Jaya i kalap i kam long PNG. Narapela man i save gut long Irian Jaya na tok ples bilong en, em i Kaunsila Lasarus Papanaba bilong Mindepoka viles. Em i lokal gavman kaunsila bilong Imonda inap long 16 yia nau.

## Bekos Ais Blok

i kam long pes 4

Long dispela taim, Richard em i wok long salim samting olsem 100 ais blok long wanpela de. Na long taim bisnis i kamap gut em i bekim olgeta dinau bilong skul na Liklik Bisnis Senta long Lae. Orait i go het long bisnis bilong em.

Long 1976 em i baim wanpela bikpela frisa. Na em i save salim 3,200 ais blok long wanpela de. Em i kisim narapela tupela frisa moa na mekim wok bilong em i go bikpela. Nau em i wok long salim 4,200 ais blok long wan wan de.

Richard i kisim 10-pela yangpela man long ples bilong em, long helpim em long salim ol ais blok insait long Lae. Ol wilka na

motobaik bilong em i save katim kona long olgeta hap na salim ais blok.

Bihain em bai kisim 5-pela motobaik long karim ol bokis ais i go i kam. Dispela kain wok i no hat tumas. Save i stap long wan wan man. Sapos man i laik kirapim ol liklik kain bisnis, em i mas i gat liklik mani na liklik save long ol wok bisnis. Tanubada Ais Krim Kampani i wok long resis wantaim Richard insait long Lae Siti.

Richard i helpim long kirpaim wanpela basketbal tim long asples. Na tu em i kamapim kompetisen bilong Luteran Yut Soka Klap long Lae.

Ol tim bilong basketbal long asples na long Lae Luteran Yut i

kamapim nem bilong Bekos long ol gem. Brata bilong em tu i bin statim bisnis long lukautim bulmakau long ples. Na Bekos i tingting long kirapim faktori bilong em long Omili kolstu long Lae Siti.

Long 1983, em bai kirapim bikpela bisnis long ais blok tasol. Nem bilong em i bikpela pinis insait long Lae Siti na Morobe Provins. Na em i laik kirapim nem bilong pilai soka i go antap.

Long 1977 em yet i putim kamap kompetisen bilong Luteran Yut Soka Tim. Ol i pilai long winim Bekos Kap. Dispela em i bikpela samting wanpela man tasol i kamapim. Nem bilong em bai kamap moa yet.,

• Susan Addison

## Nupela Sip Nagada



Nupela sip bilong Luteran Siping, Nagada i sua i stap long Namasu Bris.

# TAITEL BILONG AMI

Dia Edita - Mi laik ol pablik i mas lukim tru na tingim long het bilong ol pastaim long dispela samting. Olsem wanem long nem Brigadia Genral Ted Diro. Ol pablik i ken yusim dispela nem o nogat?

Mipela i save olsem dispela nem o taitel bilong gavman, ol pipel i yusim long taim Diro i stap long ami yet. Na nau em i pinis long wok bilong en long Difens Fos yumi na mas yusim dispela nem Brigadia

General. Pablik i mas save olsem Ted Diro i eks soldia olsem planti ol narapela eks soldia i pinis long wok na sindaun nating na wok long narapela kampani. No ken yusim moa Brigadia General, kolim tasol olsem Ted Diro, inap gavman i givim em narapela namba, olsem Gavnan Jeneral o Praim Minista o namba tu Praim Minista bilong PNG.

Mi ting dispela bai helpim planti man na ol husat man i no save olsem em i Ted Diro tasol. Na i no moa Brigadia General Ted Diro.

Murin Ramei, Yunaitet Sios, Hutjena, Buka.



# SALIM RABIS KAIKAI

Dia Edita - Wanpela taim mi hangre na mi baim 60 toea pis long wanpela stua. Mi kisim i go sindaun long as bilong diwai na mi laik kaikai. Tasol taim mi brukim pis ya i no luk olsem pis bilong nau. I luk olsem bilong bipo tru i stap long bokis ais na nau tasol ol i kukim. Na em i smel tru.

em bruk nabaut na i nogut olgeta long maus bilong mi. Mi spetim i go aut na i go bek askim stua kipa long givim 60 toea bilong mi bek. tasol em i no givim mi 60 toea bek. Em i tokim mi olsem mi kisim i go long taim liklik na brukim nabaut pinis.

Mi laik tok tu olsem sampela ol liklik haus kaikai i no save luk gut.

Taim mi traim liklik

# WELKAM NUPELA MEMBA

Dia Edita - Long 5-pela yia i go pinis mi no lukim wanpela gutpela wok i kamap. Olsem na mipela i laik komplem.

Olpela memba bilong Okapa i no bin mekim wanpela gutpela wok bilong helpim provins bilong em. Dispela 4-pela ples Gimi, Furosa, Auyasa na Misap i no develop liklik. Olsem na mi laik tok welkam long nupela memba na gutbai long yu, Billy Hai.

Mipela ol pipel bilong Okapa i no save gut wanem samting tru bai yu nupela memba i mekim tasol mipela i amamas yu winim olpela memba bilong Okapa. Mipela i wet

long lukim wok tru bilong yu i kamap long taim yu sanap makim mipela.

David Vapalu, UPNG, Mosbi.

Salim el pas  
Kam long  
WANTOK  
BOX 1982  
BOROKO

# MIPELA LUKLUK LONG NILKARE

Dia Edita - Mi laik autim sampela wari bilong mi long strongpela politisen na lida tru bilong mipela, Iambakey Okuk.

Mi save ritim niuspepa na harim nius long redio long wok politik bilong PNG. Mi laik tok sampela lida i no save wok hat tumas long bringim developmen i kam insait long PNG. Na ol i no save lidim gut ol pipel bilong PNG.

Ol lida bilong yumi i save mauswara nating tasol na nogat kaikai i save kamap long toktok bilong ol. Ol i wari tasol long kisim biknem.

Mr. Okuk i gat strongpela tingting bilong em long we em i ken helpim ol pipel long bringim developmen i go long ol wan provins.

Mipela pipel bilong Hailans, i bilip tru long politik bilong Okuk. Mipela bilip olsem em i papa tru bilong mipela. Mipela Hailans pipel i laik lukim kain lida

olsem em long gavman long bringim skul na developmen i kam long PNG. Tasol yangpela politisen i winim Okuk, olsem na Okuk i malolo na kisim win. Tasol i no long taim bai yupela i lukim em i kam bek na kisim olpela ples bilong em long politik.

Hia nau, mi laik bekim sampela toktok bilong nupela memba bilong Simbu Rijinel, John Nilkare. Nilkare i autim bek graun bilong Mr Okuk na em mekim planti toktok insait long dispela niuspepa. Mi pilim olsem em i laik litimapim nem bilong em yet.

Mi laik tok olsem, sapos Nilkare i laik toktok olsem nupela memba bilong Simbu, orait, em i no ken yusim nem bilong Okuk long mekim dispela. Long wanem em i no kamapim wanpela wok long pipel bilong Hailans na

# WATPO PASIM AIR NIUGINI

Dia Edita - Pas bilong mi i sotpela tru. Tasol i gat bikpela wari tru long en. Planti ol pipel hia long Kieta i komplem na mi ting bai mi rait olsem husat bikman bilong Air Niugini i ken ritim na

traim mekim sampela tok save.

Bilong wanem tru na ol i pasim Air Niugini Tiket Opis long Kieta na kisim i go stap long Arawa.

Dispela i mekim hat long planti pipel i stap long Kieta, Toniva na Aropa. I gutpela long kampani mas opim gen dispela tiket opis long Kieta.

Mipela i no laik westim bikpela mani long baim bas na i go longwe long Arawa long baim tiket bilong balus. I gat man long Air Niugini i ken tok save o nogat?

Benny Heneny, Kieta, NSP.

# OL REPERI SLEK

Dia Edita - Mi laik tokaut long ol reperi bilong PNG Soka Asosesen. Mi egensim ol dispela reperi bilong wanem, planti bilong ol i no save gut long holim wisil na bosim pilai. Ating ol i save kisim mani tasol o olsem wanem.

Mi les long lukim ol wokim wansait tasol. Ol i no save lukluk tu long lainsman bilong ol.

Vincent Steven Panga, Bomana, NCD.

PNG yet. Em i mas toktok stret olsem nupela memba bilong Simbu Rijinel na toktok insait long dispela niuspepa.

Mipela pipel bilong Hailans bai lukluk long yu long lidasip wok bilong yu. Sapos yu mekim wankain wok olsem tumbuna bilong mipela, Okuk, orait mipela bai i gat bilip long yu. Sapos yu mauswara tasol long niuspepa na bihainim Somare na ol arapela memba, yu mas risain long Pangu Pati na kam joinim Nesnel pati long rijon bilong yu. Na yu ken kamap olsem man bilong mekim toktok long Nesnel Pati.

Soniha Lapilipa, EHP.



**CALLING ALL BANDS WE SELL**

- amplifiers & speakers
- drumsets, sticks, skins
- guitars; electric; bass and ordinary
- strings & keys
- Music Books
- na ol kainkain samting long music

at **ROOKS RADIO**  
P O BOX 191, LAE.  
(Behind B.P.)  
PH: 42 4616.

# PIKININI PEKPEK NABAUT

Dia Edita - Helt problem i kamap long Mt Hagen gen nau. Bipos mi yet i bin rait long popia i pulap long taun. Ol pipel i no save yusim ples bilong tromoi pipia.

Nau ol i wok long



tromoi nabaut gen long ol hap kona nabaut long taun. Ol mama i no save tingting long lukautim gut ol pikinini bilong ol na kisim ol i go long haus pekpek taim ol manki bilong ol i pilim pekpek.

Ol i save larim ol liklik pikinini i go long laik bilong ol yet na pekpek nabaut long ol kona bilong ol stua long taun.

Na mama i no save tingting long klinim. Ol i save larim i stap

tasol olsem. Ol bikpela manmeri tu i save tromoi pipia nabaut long ol plaua gaden insait long taun.

Dispela pasin i kamap moa moa yet. Spet bilong bau i stap nabaut. Ples bilong wokabaut i luk nogut tru. Ating nau i taim bilong ol helt inspekta i raun na lukluk long dispela hevi long Mt. Hagen.

Lokoipak Tage, Kendep, WHP.

# HELPIM WES PAPUA

Dia Edita - Mi gat bikpela wari long sindaun bilong ol brata bilong yumi, long Wes Papua. Mi laik bai nupela gavman i mas stretim dispela hevi.

Yu husat gavman yu no gat sori bai yu i no ken helpim arapela brata i karim hevi. Olsem na mi laik tok klia i gat as na ol rbel fos o O.P.M i pait.

Sapos yu husat gavman yu save stap

laip long tel na i no gat het. Man, sapos nogat het, man i no inap long wokabaut na sindaun, toktok, kaikai. No gat tru. Olsem Wes Papua i save pait wantaim Indonesia. Mi ting sapos yumi Kristen kantri, i gat stretpela gavman bai yumi helpim ol brata bilong yumi.

August Ref, Amron, Madang.

# JELES TASOL

Dia Edita - Mi laik bekim pas bilong brata John Wikye bilong Madang provins.

Wantok yu tok olsem, bilong wanem na ol meri i putim hanwas na su na trausis bilong ol man? Brata John, long taim yu lukim olsem yu i no laik holimpasim dispela meri husat i putim ol dispela samting na tokim em, "Susa, bilong wanem na yu save putim ol dispela


samting biong ol man?"

Olgeta meri i no inap amamas long dispela toktok bilong yu. Long wanem dispela tingting bilong yu em bilong graun tasol. Olsem na wanem ol meri i laik sapotim or egensim mi long dispela tingting bilong mi em i orait tasol.

Steven T. Were, Pangia, SHP.

# BIABIA





# Anchor

pulap long gutpela tumas



 **Anchor em i gutpela moa yet.**



# Wok Bilong Museum



bilong tumbuna, na bus bilong PNG i stap long en. Na ol pablik i ken go lukluk raun long en.

James i bilong Vera-goia viles long Lek Kopiago, Saten Hailans. Em i stat mekim dispela wok long 1978 taim Museum i bin op. Long dispela taim i kam inap nau em i save sindaun long dispela ples bilong kisim tok save.

Em i tok, "Long wanpela de 300 pipel i save kam lukluk raun long museum. Sampela munmoa long 300 pipel. Na long wanpela yia, moa long 20,000. Samting olsem 9 klok ol pipel i save stat long kamap.

Bipo long ol i go insait lukluk raun, mi tok save long ol na wok bilong dispela museum.

"I tambu long kaikai buai na smok taim ol i stap insait long museum. Ol pipel i mas larim ol kamera i stap wantaim mi. Na sapos

meri karim bikpela hanbek mi mas tokim em long givim mi.

Na mi save lokim olgeta samting ya i stap. Long taim ol i kam bek ausait ol i ken kisim bek ol dispela samting bilong ol. Tambu tru long kisim piksa insait long museum. Tasol ausait long ol gaden plawa na we ol kaving i sanap long en, inogat tambu.

"Em i tok, Wanpela taim mi rausim wanpela manki na holim em na bihain plis i kam kisim em i go. Dispela manki i bin stilim hanbag bilong wanpela meri turis.


Na long 1980 wan kain samting i kamap. Ol tripela manki i stilim hanbek bilong tupela manmeri na ranawe. Na mi yet wantaim tupela wanwok i bihainim ol i go na holimpasim ol.

Mi save tokim ol turis long was gut long hanbek bilong ol sapos mi lukim gat ol liklik manki raun nabaut i stap ausait long museum."

James Kari i holim liklik masin em i save yusim long kauntim hamas pipel i go insait raun long museum.

**LONG** taim yu go insait long Nesenel Museum long Mosbi, namba wan man yu bungim em James Kari. James i save sindaun long ples bilong tok save long ol turis na ol pablik husat i go lukluk raun insait long dispela museum. Dispela museum i gat ol kain kain samting

# Have a break, have a



A quality product  
fresh from  
Rowntree Hoadley  
(Australia) Ltd.

AP936

# Ripot Bilong Dispela Wik



**TRINDE 28 JULAI** - Lida bilong Melanesian Alaiens Pater John Momis i tokaut olsem pati bilong em i lusim gavman bilong Chan pinis.




**FONDE 29 JULAI** - Yunaitet Pati i tokaut olsem ol i lusim gavman bilong Chan na bai ol i bung wantaim Pangu. Lida bilong ol, Mista Roy Evara i tok ol i les long kolisen grup i no stretim tok hairap long makim lida bilong ol.

**FRAIDE 30 JULAI** - Melanesien Alaiens Pati i go bek gen long gavman bilong Sir Julius. Na kolisen i tokaut olsem ol i stretim tok pinis long makim man long kisim wok bilong P.M.

**SARERE 31 JULAI** - PPP, Nesenel Pati, MA na Papua Besena i makim Pater John Momis long kisim wok bilong P.M. Bai em i resis wantaim Michael Somare long taim palamen i bung long makim nupela PM long 10 klok Mande 2 Ogas.

**SANDE 1 OGAS** - Lida bilong Pangu, Michael Somare i tokaut long namba tu bilong em Paias Wingti, memba bilong Hagen. Na ol i tokaut tu olsem Timonthy Bonga memba bilong Nawae Siassi, bai holim wok bilong spika.



\* Olgeta memba bilong nupela Palamen i go long kibung. Ol lain bilong Pangu i go bung long Kokoda Trel Motel na lain bilong Nesenel Pati - PPP i kamap long Rouna Hotel. Ol Pangu i makim Michael Somare long kamap Praitim Minista gen na Paias Wingti bai kamap namba tu bilong em. Pater John Momis i laik kamap PM na Diro i kisim namba tu ples long PPP-Ma-Nesenel Pati Gavman.

\* PPP, MA, Nesenel Pati na Papua Besena i tokaut olsem warren Dutton, memba bilong Not Flai, em kendidet bilong ol long kisim wok bilong spika.



**10.45 MANDE 2 OGAS** - Ol 108 memba bilong Palamen i promis long ai bilong Sief Jastis, Sir Buri Kidu long Palamen Haus long mekim gut wok bilong ol insait long 5-pela yia.

\* 11.30 am - Pangu i tokaut olsem kendidet bilong ol long wok bilong spika em Dennis Young, memba bilong Milen Be Rijinal. Long taim ol memba i vot long spika, Dennis Young i win.

\* 1.30 pm - Ol memba i vot long PM. Somare i winim 66 na Momis i kisim 40 vot tasol. Spika Denis Young, na memba bilong Galp Tony Farapo i no vot.

\* 2.30 pm - Gavana Jeneral, i harim promis bilong nupela PM Michael Somare.

**TUNDE 3 OGAS** - Somare i tokaut long 6-pela man husat bai helpim em long ranim gavman inap Fonde.



"Mi save pasim dua long 25 tu 4 klok long apinun stretim ol buk pinis orait mi go long haus.

Plantim manmeri i save kam long Sande.



# HAILANS LAIKIM P.M.

Dia Edita - Bipo PNG i stap gavman, mipela pipel bilong Enga Provins i no kisim wanpela developmen.

Yu husat man i stap long Enga Provins yu lukim long ai bilong yu, laka? Maramuni na Porgera i no gat rot na skul na haus sik.

Enga em i wanpela provins we gavman i mas putim F28 ples balus long Wbag na Surunki. Long wanem planti pipel bilong Enga i wok long olgeta hap long PNG. Na taim ol i laik go long ples bai ol i kam long Hagen na wetim balus. Na tarangu ol manmeri husat i nogat wantok, bai mekim wanem?

Memba bilong Enga yu mas opim maus bilong yu long wari bilong Enga. Na tu redio Enga em i no klia long arapela provins. Mi bilong Wabag, Keas viles, na mi stap long Arawa. Mi laik harim. Mi gat sot wev ban tasol na bai olsem wanem?

Plis yu memba yu mas tingim dispela samting tu. Mipela ol pipel bilong Enga i les pinis. Long wanem, primia na deputi primia bilong Enga, i wok long tok politik long ol memba bilong Enga.

Plis mi tokim yupela olsem, pasim liklik maus bilong yupela na maski long pairapim maus nating tasol. Mipela ol pipel bilong Enga i givim las sans long yupela.

Bikpela wari bilong ol Hailans pipel em olsem, mipela i laik kisim Praim Minista long Ogas 2 1982. Mipela i les pinis long Pangu.

Mathew Minapi, Arawa, NSP.



# YUT I RESIS

Dia Edita - Mi lukim planti manmeri long Yopna na Nankina ol tok olsem memba bilong ol i no wok gut.

Mi laik tokim yupela ol dispela lain manmeri olsem yupela i olsem ol pikinini bilong yupela yet. Yupela kraik tumas long kaikai. Sapos yu gat wari olsem yu mas redi gut na resis

wantaim em long taim bilong ileksen. Yu ting yu smat moa bai yu winim sia bilong distrik bilong yu na wok long ol pipel bilong yu.

Sapos yu les long resis na em i winim sia pinis, yu no ken toktok planti. I mobeta yu sindaun tasol na lukluk long wok bilong em. Em nau, em i winim pinis fri ileksen na laik bilong em. Sapos em i laik sindaun nating tu em laik bilong em tasol.

Yu nogat bikpela pawa long rausim em long gavman. Yu ken wet na traim gen long arapela 4-pela yia. Bipo



# PLANTI KOMPLEN LONG KAMAP P.M.

Dia Edita - Mi laik toktok long ol bikman i toktok kraik namel long ol yet long resis long kamap Praim Minista bilong dispela kantri.

Mi no save harim long wol nius olsem bihain long ileksen i gat toktok pait i kamap long Praim Minista insait long ol kantri i gat demokretik gavman. Na liklik PNG tasol i toktok i go kamap long pawa. Na wanem taim tru em i stap gut o winim olsem 20 yia long independens long politik?

Ol i wok long mekim save i stap na ol Indonesia i mekim save kam long boda wantaim gan. I no long taim bai ol autim sampela pipel i stap long ol viles insait long boda.

Gavman bai kirap nogut na taim ol i laik mekim samting bai tulet, pait i kamap pinis. Na bai tulet, ol pipel indai nabaut pinis. Dispela asua bi

sapos yu gat planti pik, em yu bikman tru ya, tasol nau maski pik bilong yu, yu i go long palamen bai yu kamap olsem bikman.

Ol brata susa, mi askim yupela long tingting na sampela bilong yupela i mas traim na resis long Madang Provinsal Ileksen. Mi save i gat planti ol gutpela manmeri i stap long resis wantaim em. Tasol watpo na ol i no sanap long ileksen?

Bani Muapene, Saint Maichel's Haiskul, Brahman, Madang.

go stret long gavman. Na yupela toktok kros long wanem? Praim Minista em wok bilong wanpela man. I no inap olgeta i kamap Praim Minista. Yupela sampela i stap, i gat taim sapos yu laik kamap P.M.

Ol nupela memba i

hangre tumas long kisim pawa. Yupela sanap long ileksen long kamap Praim Minista o bilong i stap long palamen na helpim pastaim ol pipel long ilektoret bilong yu.

Moros Takiako, Arawa, NSP.

# LIKLIK PE TUMAS

Dia Edita - Mi bin wok long wanpela fores kampani long Gogol inap 3-pela yia olgeta nau. Tasol mi no save kisim gutpela pe long olgeta gutpela wok mi save mekim. Mi klia olsem mi wanpela leba, tasol dispela fotnait pe bilong mipela i no gutpela tumas.

Dispela kain mani i no inap helpim ol meri na pikinini bilong mipela. Taim ol i go long maket bai mani i pinis long wanpela de tasol.

Mipela ol wokman i save taitim bun na brukim bus nating long katim gras na klinim ol bus aninit long diwai kumurere. Mipela i save krungutim nil bilong kanda na mekim kamap gutpela wok.

Mipela olgeta wokman i no save kisim gutpela mani long dispela kain wok mipela i wokim. Ol bosman supavaisa bilong mipela i save kisim gutpela mani. Mipela ol leba i no gat tru.

Ol dispela bosman i kisim bikpela mani nating. Mipela i taitim bun nating na mipela i no kisim gutpela pe. Sampela kampani i save givim gutpela fotnait pe long ol wokman. Olsem na mi putim dispela wari bilong mi i go long olgeta brata na susa nabaut i ken lukim.

Pita T. Adeb, Baitabu Viles, Madang.

# MEKIM SAVE LONG OL

Dia Edita - SMi laik sapotim toktok bilong Justin Namlu bilong Gabsonkeg insait long Morobe Provins.

Em i laikim gavman i mas oraitim tingting bilong em long kisim ol manmeri i stap long

kalabus i go waswas long solwara. Mi yet i save planti manmeri i kalabus. Na dispela pipel i kalabus ol i save tokim ol olsem, em wok mani bilong ol long i stap long kalabus. Na tu ol save stil tumas na mekim planti bikpela trabel tru long kilim man.

Mi laikim gavman i mas givim bikpela mekim save tru. Wanpela em kisim olgeta kalabus manmeri i go aut long bik solwara na tromoim ol long dispela hap. Bihain orait tokim ol long stat swim i go long graun o nambis. Mi laik ol i mas pikim gut tru ol dispela pipel i mekim bikpela trabel tru olsem kilim manmeri

indai. Na ol arapela trabelman i no save harim tok na bihainim lo. Sapos gavman i givim kain mekim save olsem bai ol pilim.

Sapos husat i no inap long swim na dring wara na indai, em i gutpela tru na wari bilong ol. Em bai ol pret na isi liklik long kilim man indai.

John Grisan, Yangoru. ESP.

Tok Save i go long ol man i save salim pas long Wantok. Sapos yu no putim nem tru bilong yu long pas mipela i no inap prinim leta bilong yu.

# OL PIPEL YET AUTIM YU

Dia Edita - Toktok bilong mi i sut stret i go long toktok bilong Iambakey Okuk. Toktok bilong em i bin kamap long Wantok Niuspepa long Julai 17, 1982. Em i tok em bai autim Michael Somare long ilektoret bilong em.

Okuk yet i kirap na tok olsem, "Somare bai bosim husat? Pati bilong em bai kisim gavman na lukautim wanem kain manmeri?" Dispela kain pasin i no gutpela tumas long tingting bilong mi.

Nau mi laik askim Okuk, "Somare i autim yu long ilektoret bilong yu yet ah? No gat tru. Em ol pipel bilong yu yet long Simbu Provins i autim yu. Ol pipel i makim narapela man pinis long kisim ples bilong yu.

Ol pipel i no wanbel long ol kain tingting bilong yu moa. Em i laik bilong ol pipel bilong yu yet. Somare i no subim ol long autim yu long ileksen.

Yu bin lus long ileksen pinis. Orait, yu no ken traim long hatim bel bilong narapela man nating.

Soh Magem, Madang Provins.



# EM I TAIM BILONG POLITIK

Dia Edita - Mi raitim toktok bilong Nesanel ileksen bilong yumi. Taim bilong kempein i kamap na ol kendidet i ran i go i kam nabaut long toktok. Sampela olpela i win na tu ol nupela man i win. Seksek bilong ol i no isi isi.

Sampela i pulim soks na pasim nektai na luk smat moa. Ol i

putim nem bilong ol yet antap tru. Ol i mekim planti kain mauswara bilong ol long taim bilong kempein na katim lewa bilong ol manmeri long ples.

Sampela bilong dispela i laki tru na ol i winim sit. Tarangu sampela i trai hat nating na nau oli sutim kapok stret i stap. Ol

man i win i amamas tru nau na go insait long Palamen.

Em i no gat samting long dispela. Em i taim bilong ol. Sampela i pawa man na i go insait long palamen. Taim ol i laik kam ausait, klia long en, mani bilong em pulap pinis. Wai wari?

Mete Tage, Yaka, NSP.

# MASKI YUPELA LUS PINIS

Dia Edita - Mi laik askim husat memba na kendidet i bin lus long ileksen. Na ol i wok long pulim wari bilong ol bikos ol i jeles na bel hat nating na i laik go long kot.

Mobeta yupela i no ken wari na hat wok. Yupela bai go long kot nating na westim mani na taim bilong yupela. Bikos yupela bai i no inap i go longwe. Bai yupela i no inap kamap nupela memba bilong palamen. Na bai nogat nupela ileksen long ilektoret bilong yupela. Nem bilong nupela memba i kamap pinis na bai yu no inap long winim kot. Sapos yu win bai yu mekim wanem nau?

Maski yu lus pinis. Sindaun isi na mekim ol wok developmen long viles bilong yu. Sapos nogat, go bek gen long wok yu bin mekim bipo. Yu sanap long politik bai yu no inap mekim bikpela wok. Bai yu amamas na raun tasol long ol bikpela ka bilong gavman na dring spak wokabaut na amamas long holim pawa.

Maski wari. Wari tasol long sindaun antap long bikpela mani na amamas tasol long soim olsem yu bikpela man.

Maski, em taim bilong nupela gavman nau. Pinisim wari

bilong yupela na lukluk tasol go het long wanem samting bai kamap long kantri. Bikos yu lus pinis, em inap nau. Kisim gut olgeta kain bun, save na gutpela pasin tru bilong grism ol pipel orait bihain kempein gen long 5-pela yia na yu ken win o lus.

Peter Hayak, Aitape, WSP.



FIRST GRADE QUALITY USED CLOTHING COME AND BUY.

HURRY! HURRY! HURRY!

WHILE THEY ARE IN STOCK.

A. Grade. Bales. 72.7Kg - K120

B. Grade. Bales. 45.4Kg - K100.

For further informations, write or call

PORT MORESBY CLOTHING Pty. Ltd.  
P.O. BOX 6647,  
BOROKO. PHONE: 25 2581.


OR

GOROKA KLOS STUA. Pty Ltd.  
P.O. BOX 916,  
GOROKA. PHONE: 72 1063.

# Minista Baim Haus?

**KOMITI** i save bosim sindaun na pe bilong ol memba bilong palamen i wok long skelim tingting nau long larim ol minista bilong gavman bilong Chan i ken baim haus bilong ol o nogat.

Planti pipel i tok Gavman i mas salim ol dispela haus na planti i tok, maski no ken salim. Yu ting wanem?



Paul Nima

**Paul Nima i gat 22 krismas bilong em na em i bilong Buli viles long Simbu Provins.**

**Paul i wampela trak draive long Lac.**

Paul i tok, "Gavman i mas salim ol haus bilong olpela minista i go bek long Hausing Komisen o long ol pipel. Sapos ol minista i laikim ol dispela haus, ol i mas baim na sindaun long em. Nupela minista tu i mas baim haus na sindaun. Haus em i no liklik samting. I no stret long Gavman i givim nating haus i go long ol minista."

**Anna Jamba i bilong Janobu viles long Sepik Provins na em i stap wantaim susa bilong em long Mosbi. Em i no save wok.**

Anna i tok, "Mi laikim ol minista i kisim ol dispela haus. Na tu mi laik bai ol i kisim fri tasol. Ol i bin mekim planti samting long helpim yumi olsem na yumi mas mekim ol i pilim amamas liklik long

**Yu Ting Wanem?**



Anna Jamba

givim ol dispela haus ol i stap long en. Tasol ol nupela ol minista ol i mas baim haus na sindaun."



Mary Bere

**Mary Bere i gat 18 krismas na em bilong Yabolugul viles long hap bilong Simbu Provins.**

Mary i tok, "Gavman i mas salim ol

dispela haus. I no stret tru na i no gutpela long olpela minista i stap long ol dispela haus. Mi ting, gavman i mas baim na givim haus i go long ol nupela minista. Sapos ol olpela minista i laik stap long ol dispela haus em gavman i givim long ol nating, ol i mas baim ful pe bilong ol dispela haus. Sapos nogat ol i mas klia na go bek long as taun bilong ol long wokim bisnis o wanem kain wok bilong ol."

**Kauke Arthur i bilong Manam ailan long Madang Provins. Kauke i gat 21 krimas na em i wampela plisman long Mosbi.**

Kauke i tok, "Mi i gat wampela tok tasol. Gavman i mas kisim bek ol haus ya na salim ol nabaut long ol pablik. Tasol em tok bilong mi tasol. Olgeta samting em gavman yet i mas wokim. Sapos gavman i ting olsem ol dispela haus i fri long ol



Kauke Arthur

olpela minista, em tu i orait. Tasol i moa gutpela sapos ol dispela minista i baim na sindaun long ol dispela haus bilong ol."

# Mi Laik Lusim Man Bilong Mi




**DIA LAIPLAIN,**

*OLGETA wik mi save ritim pas bilong yupela long Wantok na Pos Kuria. Olsem na mi laik askim yupela long helpim mi.*

*Mi marit na mi gat wampela pikinini, tasol marit bilong mi no gutpela tumas. Man bilong mi i save go wok long 6 klok moning i go inap 6 klok apinun na mi tasol i save stap long haus wantaim pikinini.*

**LAIPLAIN**



**LAIN**

*I gat planti wari long marit bilong mitupela. Man bilong mi i save kros oltaim na mekim mi wari. Em i save amamas long mekim dispela kain pasin long mi. Na long taim mi kros na hatim em, mi save pilim amamas.*

*Sampela taim mi save tingting long go bek long papamama bilong mi. Tasol ol i stap longwe na mi no gat mani long go long ples.*

*Ol marit i mas gat strongpela laik long man o meri bilong ol. Tasol mi no save bai mitupela man bilong mi i stretim dispela wari olsem wanem. Mi ting sapos mi lusim em bai dispela wari i pinis.*

**DIA PREN,**

*I luk olsem i gat tupela bikpela samting i wok long kamapim dispela wari long marit bilong yu.*

*Ating marit bilong yu bai ran gut sapos yu pinis long sindaun luk sori i stap long taim man bilong yu i go wok.*

*Yu yet i luk save long wanem ol samting iken kam kamapim gutpela marit. Marit bilong yu i bin stat gut na bihain i bagarap o olsem wanem? Ating bihain long yu karim pikinini marit laip bilong yu i senis.*

*Bihain long ol meri i karim pikinini laip bilong ol i senis. Planti taim meri i save lusim wok na stap long haus long lukautim pikinini. Na taim pikinini i krai long nait mama i no inap long slip gut. Na tu, mama i mas was oltaim long pikinini.*

*Olsem na planti taim ol man i save bel hat. Ol i ting meri i save tingting tasol long pikinini na i no tingting moa long man.*

*Yu yet i skelim na lukim, ating ol dispela samting i wok long mekim na marit bilong yu i bagarap o olsem wanem?*

*I luk olsem yutupela man bilong yu i no traim long sindaun wantaim na traim long painim rot long stretim marit bilong yutupela. Yutupela i wok long kros tasol i stap.*

*Long taim man i pinis wok na kam long haus, yu mas traim long soim em olsem yu amamas long lukim em. Em bai mekim man i amamas na pilim olsem yu laikim em yet.*

*I gutpela sapos yutupela wantaim i sindaun na paitim toktok nau. Orait yutupela i ken skelim we ol asua i kamap na traim long stretim.*

*Sapos yu pilim olsem yutupela yet i no inap, orait askim wampela pren, o wantok o pasto long helpim yu.*

*Yu tok yu laik lusim man bilong yu. Tasol yu mas save olsem sapos yu ranawe bai yu no inap long pinisim dispela wari bilong yu.*

*Mobeta yu traim long stretim dispela wari bilong yu nau. Na tingim pikinini bilong yu tu. Long wanem ol pikinini i mas gat gutpela laip wantaim papamama bilong ol.*

**MI LAIPLAIN.**

## SAWN TIMBER For the handyman



**Sabusa Sawmilling Co. Pty Ltd.**

**CAN NOW BE PURCHASED FROM OUR TOWN YARD WHICH IS SITUATED AT SANDERS SALVAGE YARD, WAIGANI DRIVE, HOHOLA.**

**OPPOSITE ARROW BAKERY.**

**MON - FRI - 8AM - 4.30PM  
SATURDAY - 8AM - 11.30AM.**

**HARDWOOD - SOFTWOOD - FLOORING - WEATHERBOARD - MOULDINGS - DRESSED & ROUGH SAWN TIMBER**

**SINGER**



**PREN BILONG YU INAP OLTAIM**

# Nesenel Buk Wik

**DISPELA** wik em i Nesenel Buk Wik long PNG. Na long makim dispela wik planti ol laiberi long olgeta provins i wokim kain kain samting.

Tasol i no gat planti bikpela manmeri i stap insait long ol samting i wok long kamap. Ol kain wok olsem kamapim singsing bilong ples, disko danis na tumbuna resis ol skul manki tasol i wokim.

Nesenel Buk Wik i stat long Mande 2, Ogas. Em long taim palamen i vot long nupela Praim Minista. Tasol i nogat planti manmeri o papamama i bung long lukim ol pikinini bilong ol i stap insait long ol kain kain resis long makim dispela wik. Ating planti i go long haus palamen.

Long Mosbi yet Laiberi Assosiesen i makim wanpela komiti long redim buk wik. Dispela komiti i putim kamap wanpela program na salim long ol Komyuniti Skul Haiskul na Vokesenel Skul. Insait long dispela wik bai ol i kamapim ol samting olsem video tep, muvi piksa, ritim ol stori long buk, na ol kain resis bilong kisim prais. Na husat i raitim

wanpela gutpela stori bai kisim prais i kam long Yunivesiti bilong PNG.

Nesenel Laibreri i salim ol sampela posta i go antap long Goroka Laibreri. Raka Vagi bai putim aut ol dispela nupela posta bai ol pipel na skul manki i ken go na lukluk.

## Pauline Laki

Long Popondetta Alice Saia, wokmeri long laibreri, i askim ol skul manki long kisim plawa na bilasim gut laiberi bilong ol. Ol studen bilong haiskul tu bai helpim em long soim ol nupela buk Nesenel Laiberi long Mosbi i salim i go pinis long ol.

Felicitas Maris long Kaviengi i no kisim wanpela nupela samting long Mosbi. Tasol long Mande nait 2 Ogas, em i putim kamap spesel program long Redio Nu Ailan long tok save long ol skul manki na ol pipel tu long mining bilong dispela wik.

Olarapela provins tu i mekim sampela kain bilas na samting bilong makim na amamasim dispela wik wantaim ol skul manki.



*Ol dispela manki i go lukim Nesenel Buk Wik long Edmin Koles, Mosbi. Yu ting ol i harim stori o ritim buk? Nogat yat. Ol i lukim video kaset long Nesenel Buk Wik.*


Hia long Mosbi olgeta laibreri long siti i gat kain kain samting ol i kamapim. Ol i gat vedio piksa, singsing long Nesenel Laibreri, sindaun harim stori long Ela Bis na long Edmin Koles i gat 2-pela Haiskul, Li-

mana Vokesenel Senta na 6-pela Komyuniti Skul i stap insait long ol resis long kisim prais.

Seketeri bilong Edukesen, Mista Paul Songo, i opim Nesenel Buk wik long Mosbi na em yet bai givim ol

prais long husat i win long: (1) disko danis, (2) singsing tumbuna, (3) bilas tumbuna, (4) posta resis (5) raitim stori.

Nesenel Buk Wik i stat long 1980 na i kamap long mun Ogas long olgeta yia.



*Ol manki i wokim planti posta long go insait long resis bilong Nesenel Buk Wik. Hia yu ken lukim posta bilong Mala'ae Ebea, 13 yia bilong Sen Martin Skul. Gut wan Mala'ae. Bai yu kisim prais tu o nogat?*

**taste the delicious flavour of honeycomb in Violet Crumble**

**SNAP!**

**KOOL KAT**

**Violet Crumble**

**AUSTRALIA'S NO 1 HONEY COMB BAR**

A quality product fresh from Rowntree Hoadley (Australia) Ltd.

## Wewak Opim Dring

**LONG** wik i go pinis long Is Sepik Provins, provinsal gavman i bin tok orait long ol stua i ken salim bia na strongpela dring long Sarere na Sande tu.

Tasol sampela grup i no laik. Wimens Asosiesen i kirap na i wok long tanim tingting bilong ol pipel egens long dispela aidia. Katolik Mama Asosiesen i raun na kolektim nem bilong ol pipel i egens. Na tu sampela i mekim wanpela protes mas.

Tasol bikpela samting tru em ol pipel i save salim ol strongpela dring long stua bilong ol. I gat 12-pela dispela kain stua na papa bilong 9-pela stua i bin sainim wanpela promis, ol bai no opim stua bilong ol bilong salim strongpela dring, stat long Fraide long belo stret, i go inap long belo long Mande.

# WOLNIUS



**MISIGAN, AMERIKA 29 JULAI** - Liklik meri Robin Hawkins i sindaun na pilai pilai wantaim ol liklik samting bilong em. Insait long tupela mun tasol em i bin bagarapim olgeta samting bilong papamama. Prais bilong ol samting em i bagarapim inap K3,000.



**BEIRUT, LEBANON 27 JULAI** - Dispela papa i karim pikinini na ranawe wantaim meri i go hait long taim ol balus bilong Israel i wok long tromoi bom.



**BEIRUT, LEBANON 25 JULAI** - Mausman bilong Palestin Liberesen Oganisesen i soim ol samting ol ami bilong Israel i yusim long pait. Em i wok long soim ol bikmanmeri long Amerika long ol dispela samting.



**BEIRUT, LEBANON 27 JULAI** - Ol soldia bilong Israel i pulim lain long teng na i go kirapim pait wantaim ol soldia bilong Lebanon.



**MONTREAL, KANADA 26 JULAI** - Ol kalabusman bilong Asambaul Haus Kalabus i kilim indai dispela wasman. Faivpela arapela wasman tu i kisim bagarap na i go long Sent Jerom haus sik.



**WASINGTON, AMERIKA 28 JULAI** - Ol meri bilong ol bikman bilong Arab i stap slip hangre klostu long Wait Haus. Ol i no laik long kaikai. Ol i belhat long wanem Israel i wok long bagarapim ples bilong ol. Ol i laikim bai Amerika i sori na stapim pait namel long Israel na Lebanon wantaim sampela kantri long Asia.



**NU YOK, AMERIKA 28 JULAI** - Praim Minista bilong India, Misis Indira Gandhi i go lukluk raun long Nu Yok. Em i laikim kantri bilong em i kamap gutpela pren wantaim Amerika. Phillip de Montebello (rait) na Douglas Dillon, tupela bosman bilong Haus Tumbuna i kisim em raun.

### TOK I GO PAS

Buk bilong **JUDIT** i stori long ol lain Juda klostu i laik lus olgeta na klostu i laik painim bikpela bagarap long han bilong ol lain birua.

Tasol wanpela gutpela meri i stap, nem bilong **Judit**, em i save strong moa long bihainim olgeta lo bilong **God**. Na em i bilip strong, **God inap sambai long pipel bilong em, na kisim ol bek long han bilong ol birua. Orait, na Judit yet i pre long God, bai God i strongim em long winim birua.**

8 "Mipela i harim pinis yu man bilong save na gutpela tingting. Na long olgeta hap bilong graun ol manmeri i save pinis, i no gat wanpela man bilong kingdom bilong Asiria i ken winim yu long wok na long save na long pasin bilong winim pait.

9 "Nau tu mipela i harim pinis olgeta samting Akior i bin tokim yupela long kaunsil. Ol man bilong Betyulia ol i no bin kilim em, olsem na ol i harim pinis olgeta toktok em i bin givim long yu. 10 **Bikpela**, yu no ken lusim ol toktok bilong em. Nogat. Holim i stap long tingting bilong yu, long wanem, em i bin tok tru. Ol pipel bilong mipela i no inap kisim bagarap, na bianai i no inap katim ol, sapos ol i no bin mekim sin long God bilong ol.

11 "Tasol, bikpela bilong mi, yu no ken ting bai yu i lus, na wok bilong yu i bagarap. Nogat. Liklik taim bai ol Isrel yet i bagarap na indai. Sin i bosim ol pinis. Taim ol i save mekim sin, ol i save kirapim belhat bilong God. 12 Nau ol kaikai bilong ol i sot na wara tu i laik pinis. Olsem na ol i pasim tok pinis long kilim ol bulmakau bilong ol, na ol i laik kaikai olgeta kain abus God i bin tambuim pinis long lo bilong em.

13 Na tu ol i pasim tok pinis long kaikai olgeta namba wan hap kon, na ol hap wain na wel **Bikpela** i bin makim long em yet. Ol dispela kaikai i tambu, long wanem ol i makim pinis long givim long ol pris i wok long Jerusalem, long ples God i stap long en. I tambu tru long man nating i ken putim han long ol dispela kaikai. 14 Tasol ol i bin salim sampela man i go long Jerusalem long kisim tok orait bilong Kaunsil bai ol i ken kaikai dispela samting i tambu. Na long Jerusalem yet ol pipel i mekim wankain pasin tasol. 15 Sapos ol i kisim tok orait na ol i stat long bihainim

dispela, orait, long dispela de stret bai God i givim oligo long han bilong yu, na yu bai pinisim ol. 16 Taim mi, wokmeri bilong yu, i kisim save pinis long ol dispela tok, mi ranawe long ol. God em i salim mi i kam long yu long mekim wanpela bikpela samting, inap long olgeta manmeri bilong graun bai kalap nogut long taim ol i harim. 17 Mi wokmeri bilong yu, mi meri bilong harim tok bilong God bilong heven, na olgeta de na nait tu mi save litimapim nem bilong em. **Bikpela**, mi bai stap wantaim yu nau, na olgeta nait bai mi go long ples i daun, na mi pre long God. Na em bai tokim mi long wanem taim ol Isrel i mekim sin bilong ol. 18 Orait, bihain mi kisim tok save pinis, bai mi kam na tokim yu, na bai yu ken wokabaut i go wantaim olgeta soldia bilong yu, na bai i no gat wanpela man bilong ol inap long pait wantaim yu. 19 Bai mi soim yu long Jerusalem. Na bai yu kamap king na yu sindaun long namel stret bilong taun. Bai yu bosim ol olsem lain sipsip i no gat wasman, na bai i no gat wanpela dok inap long bikmausim yu. Bipo yet mi save pinis long dispela samting, long wanem God i bin tokim mi. Na em i bin salim mi long kam na tokautim long yu."

4 Judit i bekim tok long em olsem, "Tru antap, mi ken tokim yu stret. Taim bikpela i pinisim olgeta samting em i laik mekim long han bilong mi, bai ol kaikai bilong mi i no pinis yet." 5 Orait, ol wokman bilong Holofernes i bringim em i go insait long wanpela haus sel, na em i go slip inap long biknait tru. Klostu tulait, taim ol soldia i was long nait i stap yet, Judit i kirap, 6 na em i salim tok i go long Holofernes olsem, "Mi laik kisim tok orait long yu bai mi ken go ausait long ples i daun na mekim prea." 7 Olsem na Holofernes i tokim ol soldia i was i stap bai ol i no ken pasim em. Judit i stap long kem inap long 3-pela de, na olgeta nait em i go ausait long ples i daun klostu long Betyulia, na em i waswas long hul wara. 8 Waswas pinis, em i save beten long God, **Bikpela** bilong Isrel, long soim rot long em long helpim Isrel i win. 9 Olsem na i kamap klin olgeta na em i go bek na i stap long haus sel inap long taim bilong kaikai long apinun tru.

20 Olgeta tok bilong Judit i amamasim bel bilong Holofernes na ol wokman bilong em, na ol i kirap nogut long gutpela tingting bilong em. Ol i tok olsem, "Long hap san i kamap inap long hap san i go daun, i no gat wanpela meri i olsem dispela meri. Pes bilong em i nais moa na i winim ol narapela meri. Na save bilong em tu i win."

21 Holofernes i tok olsem, "I gutpela, God i bin salim yu i kam pas long ol pipel bilong yu. Nau bai mipela i gat strong, na ol man i tok bilas long Nebukatnesa, bikpela bilong mi, bai ol i agarap. 23 Na yu, yu wanpela

naispela meri tru. Pes bilong yu i nais na tok bilong yu i swit moa. Sapos yu mekim olsem yu bin promis, orait, God bilong yu bai kamap God bilong mi. Na yu yet bai go i stap stret long haus bilong King Nebukatnesa na nem bilong yu bai kamap bikpela long olgeta hap bilong graun.


### Gutpela pasin bilong Judit

**12** 1 Holofernes i tokim ol long bringim Judit i go insait long rum kaikai we ol i bin lainim ol plet silva. Na em i tokim ol long givim em ol gutpela kaikai na wain em yet i save kisim. 2 Tasol Judit i tok, "Mi no inap long kaikai dispela samting. Nogut mi brukim tambu na mekim rong. Mi bai kaikai ol samting mi yet i bringim pinis. Em bai inap long mi."

3 Holofernes i tokim em, "Sapos ol samting yu bringim i pinis, olsem wanem bai mipela painim sampela moa? I no gat wanpela Juda i stap hia wantaim mipela."

4 Judit i bekim tok long em olsem, "Tru antap, mi ken tokim yu stret. Taim bikpela i pinisim olgeta samting em i laik mekim long han bilong mi, bai ol kaikai bilong mi i no pinis yet." 5 Orait, ol wokman bilong Holofernes i bringim em i go insait long wanpela haus sel, na em i go slip inap long biknait tru. Klostu tulait, taim ol soldia i was long nait i stap yet, Judit i kirap, 6 na em i salim tok i go long Holofernes olsem, "Mi laik kisim tok orait long yu bai mi ken go ausait long ples i daun na mekim prea." 7 Olsem na Holofernes i tokim ol soldia i was i stap bai ol i no ken pasim em. Judit i stap long kem inap long 3-pela de, na olgeta nait em i go ausait long ples i daun klostu long Betyulia, na em i waswas long hul wara. 8 Waswas pinis, em i save beten long God, **Bikpela** bilong Isrel, long soim rot long em long helpim Isrel i win. 9 Olsem na i kamap klin olgeta na em i go bek na i stap long haus sel inap long taim bilong kaikai long apinun tru.

**I go  
moa long  
neks wik.**



Jakam Dondoov (rait) i sanap toktok long taim ol i wokim lotu long makim dispela de bilong ol Mangga Buang.

### Julai 11, em i bin wanpela bikpela de tru bilong ol Mangga Buang pipel bilong Morobe Provins.

Long wanem dispela de em; i nambawan taim tru ol i bin kisim ol buk bilong Nupela Testamen long tokples bilong ol. Tupela wokmeri bilong SIL, Roma Hardwick na Joan Healey i bin stat

long tanim tok long 1963. Dispela tupela meri bilong Australia i bin lusim 19 yia olgeta long mekim dispela wok.

Jakam Dondoov bilong Mangga viles i bin helpim ol long

tanim tok. Na em i bin go pas long progrem bilong spesel lotu long makim dispela bilong ol pipel bilong Mungga Buang. Na em i bin askim provisal memba bilong ol, Lucas, long go stap tu long dispela

lotu. Long wanem, Lucas i bin helpim ol long taim ol i stat long tanim tok. Planti pipel bilong Bulolo i bin go stap tu long dispela lotu.

Mis Hardwick na Healey tu i bin stap insait long dispela lotu.

Bihain long lotu, ol i givimaut ol dispela buk long ol pipel bilong Mungga Buang long salim.

## Sande lotu

Frank Mihalic

**SANDE NAMBA 20 BILONG YIA (Jon 6: 51 - 58) 15 Ogas 1982**

Long dispela hap stori Jisas i mekim moa skul long Oikaristia. Nogut yumi lusim ting pastaim long wanpela samting. Jisas i bin givim kaikai long 5000 manmeri na ol i bihainim em i go long olgeta hap...ol i laikim moa long dispela kaikai. Olsem na Jisas i pilim, dispela em i gutpela taim long toktok long narapela kaikai, em bodi na blut bilong em. Dispela em i laik givim olsem kaikai bilong spirit bilong yumi.

Tasol yumi lusim ol bikpela lain man i go nau. Na yumi kalap go long las kaikai bilong Jisas long Gutfonde Nait. Long dispela kaikai, Jisas i mekim tru ol dispela samting, em i sanap toktok long en nau long ol pipe. Em i go insait long bret na wain na em i tilimaut long ol aposel.

Jisas em i klewa moa long haitim bodi na blut bilong em insait long kaikai. Kisim kaikai, em i namba wan lo bilong bodi bilong yumi. Kaikai i sevim laip bilong yumi. Yumi no kaikai, yumi dai.

Kaikai i save haitim wok bilong planti manmeri insait long en. Bret em i wanpela eksampel. Long taim ol i planim pikinini wit long gaden, inap long tiam yumi katim wanpela hap bret long tebol, i got 32 kain kain wok ol manmeri i bin mekim long em. Olsem tasol na kaikai i haitim wok bilong yumi insait long em.

Na narapela samting. Ol samting yumi kaikai, em i dai pinis. Ol sayor na abus i dai long givim laip long yumi. Olsem na kaikai em i got hap ofa na sakrifais long en. Na olsem tasol na em i makim gut Jisas. Jisas i lusim laip bilong givim laip long yumi ...

Long taim bilong kaikai yumi wan wan i save wokim wanpela mirakel. Yumi save makim wanpela samting, ol bikpela saveman tru i no inap long mekim. I no

gat wanpela man inap tude, em i ken kisim wanpela samting i no gat laip, na em i ken givim laip long em. No gat tru. Tasol yumi olgeta wan wan i save mekim. Yumi kaikai abus na sayor na bret samting i no gat laip. Em i go insait long bodi bilong yumi. Na wantu em i kamap skin na mit na bun na blut bilong yumi...Em ol samting i gat laip.

Olsem tasol, long bret na wain, Jisas i go insait i kamap hap bilong yumi - na yumi kamap hap bilong em...olsem em yet i tok long Jon 6: 56.

Jisas i mekim ol dispela samting long wanpela rum kaikai. Ol i sindaun nabout long tebol na ol i kaikai i stap bilong onaim las nait bilong Jisas. I wankain olsem yumi save pati long taim yumi gat bikpela selebresen. Long dispela kain taim na ples Jisas i kamapim Oikaristia. Na em i tok, olgeta taim bai mipela i laik em i kam daun bek na i stap wantaim mipela, mipela i mas bihainim wanem samting em i mekim nau. Bilong dispela, tude ol Katolik na Engliken i gat Misa. Na ol Luteran an arapela lain i gat komyunion sevis. Alta i sanap long ol haus lotu, em i makim tebol bilong dispela kaikai tasol.

Sapos yu gat felosip na yu lotu kibung wantaim, em i gutpela. Jisas tu i stap wantaim. Sapos yu ritim Baibel, em i gutpela. Jisas i stap insait long tok bilong Baibel. Tasol sapos yu laik Jisas i stap wantaim bodi na blut bilong em, i gat wanpela we tasol. Em i dispela we bilong misa na komunio. Lotu wantaim em i orait. Tasol kaikai wantaim, long nem bilong Jisas, em i pasin bilong bihainim tru skul na promis bilong em bilong Gutfonde Nait. Em yet i tok olsem. Na yumi no inap hapim tok bilong em.

# Masalai Bilong Ailan Lep

**LONG bipo bipo tru long Manus i gat wanpela liklik ailan i stap baksait long Baluan, ol i kolim Lep.**

Na long dispela ailan lep i gat wanpela masalai husat i gat 10-pela het olgeta.

Dispela masalai i gat tupela meri. Tripela i stap amamas wantaim long ailan bilong ol. Na i gat planti kain kaikai na prut na ol pikinini bilong diwai i pulap tru long dispela ailan.

I no gat narapela manmeri i stap long dispela ailan. Dispela masalai na tupela meri bilong em na ol enimal na pisin tasol i stap. Planti taim ol pipel long bikpela ailan, Baluan i harim stori bilong ailan Lep.

Planti man i tok ailan Lep i stap baksait tasol long Baluan. Na i gat planti kain kaikai na abus i pulap i stap long en. Sampela taim ol manmeri long Baluan i kirap long moning ol i save painim planti gutpela prut diwai i stap nabaut long gras na arere long haus bilong ol.

Ol i save kisim ol prut na kaikai. Ol dispela prut i swit moa yet. Sampela man i kisim ol prut na traime planim klostu long haus bilong ol. Tasol ol prut diwai i no save kamap gut.

Planti man bilong Baluan i laik traime long painim dispela ailan Lep. Olsem na wanpela de,

wanpela lapun man na liklik pikinini bilong man bilong em i laik traime. Tupela i kisin kanu bilong ol. Nau ol i pul i go long painim ailan Lep.

Tupela i pul long kanu i go inap 10-pela de olgeta. Na bihain ol i lukim wanpela liklik ailan. Pikinini i tok, "E-e Papa, ating em ailan Lep tasol ya!"

Na papa i tok, "Sssshhh, yu no ken bikmaus., Nogut sampela man i harim yu na i kam kilim yumitupela." Olsem na tupela i pul isi isi tasol i go klostu long dispela liklik ailan.



Ples i laik tudak nau na tupela i go sua arere long ailan. Tupela i no go antap long nambis. Nogat. Tupela i les olgeta na slip long kanu i stap. Na long biknait tru, tupela i wok long harim ol gutpela na switpela singsing bilong ol pisin long ailan.

Man! Papa na pikinini i harim ol dispela singsing bilong pisin na ol i kus pundaun tru long dispela ailan. Tupela i no save yet olsem i gat wanpela masalai i stap long dispela ailan. Long wanem ol i

sua long narapela hap na masalai ya i stap long narapela hap bilong ailan.

Long moning taim tupela i pul i go arere long nambis. Na tupela i wokabaut i go antap long ailan. Na tupela yet i mekim save long kaikai ol prut i stap.

Na bihain papa i tok, "Pikinini yumi tupela i mas traime na lukluk long narapela hap bilong ailan." Em nau tupela i wokabaut raunim dispela ailan na kamap long arapela hap. Tupela kirap nogut long lukim smok bilong pia i kamap long bus.

Tupela i tok, "Ating i mas i gat sampela pipel i stap hia? Yumi traime i go klostu na lukim dispela paia." Tupela i wokabaut isi tasol i go klostu nau nna ol i lukim, tupela yangpela meri i wok long gaden i stap.

Tupela i no soim pes. Ol i hait na lukluk i stap. Eapun papa i tokim pikinini, "Yumi mas hait na lukim wanem hap bai tupela i go long en."

Em nau. Tupela i wok pinis na ol i kirap wokabaut i go. Lapun man na pikinini i bihainim tupela meri i go long ples bilong ol. Tupela i go kamap na lukim wanpela haus i sanap i stap long ples.

Lapun i lukim haus na i tok, "Ating tupelameri i stap wantaim man bilong ol long dispela haus." Tasol nogat. Em tupela i maritim masalai i gat 10-pela het na ol i stap

wantaim long dispela haus.

Bihain tupela meri ya i wokabaut i go daun long nambis na waswas. Em nau lapun i wokabaut isi tasol i go insait long haus. Em i harim wanpela man i wok long pulim win strong tru i stap insait long rum.


Lapun i laik i go klostu tasol em i harim tupela meri i kam bek. Em i siksti tasol i go ausait na tokim pikinini bilong em. Em i tok, "Yumi tupela i mas go hait insait long haus." Em nau na tupela i go hait klostu long haus paiawut.

Tupela i stap isi tasol i go inap long nait. Tupela i no slip gut long dispela nait. Ol i wok long putim yau long ol kain samting ol meknais long haus.

Long moning, tupela meri i kirap kukim kaikai na larim i stap long man bilong tupela. Na tupela i wokabaut i go long bus na wok gen long gaden bilong ol i stap. Na apinun tru tupela i save go bek long haus.

Taim masalai i kirap, em i tok, "Aha-a-a, mi ken smelim nupela kain smel insait long haus." Em nau 10-pela het ya i kirap painim olgeta hap insait long haus.

Masalai i kirap na wokabaut i go ausait. Oloman!!!! Taim lapun na pikinini i lukim masalai ya, tupela i kaikai tit na pret olgeta. Skin bilong tupela i guria nogut tru insait long liklik



haus paiawut. Tupela i no isi isi long guria. Ol paiawut i seksek wantaim na pundaun nabaut. Masalai i lukim na i tok, "Aha-a-a-a, ating dispela smel i stap long haus paiawut." Em i go na lukim lapun wantaim pikinini i guria i stap.

Orait. Masalai ya i askim tupela. "Yutupela i kam olsem wanem? Lapun i tok, "Mitupela i bin painim pis long solwara. Na bikpela win i kamap na si i karim mitupela i kam sua long dispela ailan."

Dispela masalai i harim stori bilong lapun na em i belsori long tupela. Em i kisim kaikai na givim tupela pinis na haitim ol long rub bilong em i stap. Tupela i stap hait long rum bilong masalai inap long apinun.

Nau tupela meri i kam bek long gaden. Tupela i kam kukim kaikai. Bihain tuepla i skelim na larim bilong man bilong tupela i stap. Tupela i pinisim bilong ol na ol i slip.

Long moning taim stret tupela meri i kirap. Ol i laik lukluk, nogat! Olgeta kaikai i pinis. Tupela i kirap kuk gen. Na ol i larim sampela bilong man i stap, na tupela i go gen long gaden.

Tupela meri i kam bek long apinun na lukim olgeta kaikai i pinis olgeta. Sampela de bihain tupela i lukim wankain i kamap. Ol kaikai i save pinis hariap.

Em nau tupela i toktok long ol yet na tok, "Oloman!!!! Dispela masalai ya i no save olsem long bipo. Tasol nau ating bel bilong em i hangre

hariap hariap? Nogut em painim kaikai nogut na em i kilim yumi tupela na kaikai."

Tupela meri i tok, "Mitupela i mas painim we na ranawe i go long narapela hap." Tarangu tupela i no save yet olsem lapun man na pikinini i stap long haus bilong ol. Na tupela tasol i save pinisim kaikai bilong masalai.

Wanpela meri i tokim narapela, "Mi save wanpela kain rop long bus. Bai yumi kisim na kukim na givim masalai i dring. Dispela wara o sup bilong rop i ken kilim masalai i dai."

Long narapela moning tupela meri i go wok long gaden. Bihain ol i kamautim rop long bus na karim i kam long haus. Tupela i kirap na kukim rop wantaim kaikai.

Dispela tupela meri i no bin kaikai long nait. Masalai i kaikai na bihain em i givim hap i go long lapun man wantaim pikinini bilong em. Ol i hangre tru na ol i pinisim kaikai stret.

Olgeta i slip long nait. Long neks moning, masalai i pilim bikpela pen long bel bilong em. Tarangu lapun na pikinini bilong em i dai pinis.

Long wanem poisin bilong dispela rop i strong tru na kilim tupela hairap. Dispela 10-pela het

masalai i kra i na tanim tanim nau. Taim em i singaut na kra i long long skai i bruk na pairap. Aiwara bilong em i laik kam daun, nogat, draipela en i pundaun. Na taim bodi bilong em i guria, olgeta hap bilong dispela liklik ailan i guria wantaim.

Tupela meri i painim ples nau. Tupela i no gat rot long ranawe i go long narapela hap. Strongpela win i kirap. Klaut i pairap. Bikpela ren i pundaun. Draipela guria i sekim ailan. Em nau masalai i dai.

Bikpela wara i kirap na karamapim dispela liklik ailan Lep. Tupela meri na 10-pela het masalai na lapun man na pikinini olgeta i go daun long solwara wantaim ailan.

Sapos tude yu raun i go long baksait long Baluan Ailan, yu ken lukim wanpela liklik rip i stap long solwara. Na long Baluan tu yu ken lukim ol kain kain gutpela prut na kaikai i stap. Em ol pipel i bin planim bipo yet long taim ol pisin i karim long dispela ailan Lep i kam long Baluan.

Mi bilip olsem dispela stori i bilong ol tumbuna i wanpela stori tru ya.

**Mike Soanin,  
Box 174,  
Manus Provins.**

## pasel pes pasel p

Insait long dispela pasel i gat 15 toktok i hait i stap. Yu inap painim o nogat? FOFIT - SKOA - OFSAIT - SEKIM - KASANG - PROFIT - KAPTI - LEPA - MAL - MINERAL - ILEKSEN - PAIRAP - MINISTA - SPIKA - MISTEK

F	P	S	K	A	Y	I	T	P	A	K	O	S	P	N
O	A	P	S	K	E	A	R	A	P	N	A	B	A	T
F	R	S	R	T	P	A	I	R	R	S	A	K	P	A
A	I	K	A	O	K	A	A	S	A	N	I	L	E	K
T	A	I	L	E	F	K	S	T	O	P	R	S	I	T
I	P	G	O	T	U	I	H	E	S	A	R	K	A	I
A	M	I	N	A	M	I	T	A	R	I	S	N	W	F
S	M	I	O	M	I	N	I	S	T	T	N	A	B	O
F	O	K	L	A	I	S	R	A	P	E	O	I	N	F
O	S	K	A	P	T	A	E	O	S	O	F	S	M	I
P	A	I	G	N	A	S	A	K	P	A	I	L	R	A
K	A	S	A	N	Y	R	E	O	I	S	A	L	F	N
M	I	N	E	R	O	L	E	P	A	M	K	A	P	T
L	A	R	E	N	I	M	S	K	E	L	A	R	S	O
P	R	O	F	Y	F	I	L	K	E	T	S	I	M	N

### YU INAP PAINIM TOK I HAIT?

KURB



NERPOIB



REMFEN



DEFERSENE




Wanpela Mun Bilong Yia



Ansa bilong las wik: Kukumba - Luksave - Minit - Duti - SANDAUN.

**ANSA BILONG LAS WIK**



Notis. Taim yupela salim Tumbuna Stori yu mas salim P.O. Box namba bilong yu bai mipela i ken salim stret K4 i kam long yu.

# Ol Stail Trik Bilong Saina

**WANPELA** tim bilong Hunan Provins long Saina i wok long putim ol kain kain pilai bilong ol insait long Mosbi.

Dispela em namba tu taim bilong ol dispela tim long kam long Papua Niugini. SOI i bin kam raun long PNG long 1975.

Dispela tim i bin kamap long Mosbi long Fonde 29 Julai. Long Sarere 31 Julai ol i putim kamap ol pilai bilong ol namba wan taim tru long Konedobu Kalsa Senta.

Dispela grup i bin go raun long Solomon Ailan na bihain oli kam long PNG. Ol i save wokim ol kain trik pilai. Trik bilong ol long hangamap long rop olsem 10 o 20 fit antap long graun.

Sapos yu lukluk long piksa bilong ol bai yu ken klia long ol kain stail trik bilong ol.


Dispela tim bilong Saina bai stap long Mosbi wanpela wik tasol. Deputi Dairekta bilong Nesanel Kalsa Kaunsil, Raphael Ambu i tok, ol i ting long pasim dispela grup inap long Ogas 6 na salim oli go bek long HongKong long Ogas 7. Tasol Raphael i tok, Opis bilong Saina long Mosbi i laik bai tim ya i go tu long Lae na wokim ol pilai bilong ol.

Long taim dispela grup i stap long Mosbi long wanpela wik bai Nesanel Kalsa Kaunsil i lusim K10,000 olgeta. Na sapos Opis bilong Saina long Mosbi i laik salim ol i go tu long Lae, ol yet bai stretim rot na ol arapela samting.

Planti pilai bilong ol bai kamap long Hubat Mari Stadium.

I gat 20 pipel olgeta na long dispela 7-pela em ol meri. Ol bikpela man baim get long K3.00 na ol manki K1.00.


I no gat inap mani, long salim dispela grup i go long ol arapela provins long PNG.




*Wanpela wilwil tasol i karim 12 manmeri olgeta. Tru, yu no inap long bilip tasol ol Saina i tok em i samting nating tasol.*



*Dispela em pilai bilong sanap long han. Tasol antap long ol tebol na fom olsem i no gutpela tumas. Yu mas i go long nambis arere long sibruk na traum. Sapos yu abrus, solwara i stap long helpim pundaun bilong yu.*



*Ai bilong ol liklik manki i op tru long lukim tupela memba bilong dispela grup bilong Saina i eksasais long Ela bis.*




*Yu inap sanap long stik tu, ah? Man, yu ting wanem long dispela trik! Samting tru bilong Saina ya. Sapos yu lukluk strong tumas bai yu ai raun na tang i sot tu.*

*Maski nogut bai tarangu i pundaun. Yu holim em gut. Tupela ya i save long wanem samting ol i mekim. Dispela pilai bilong ol i narakain olgeta. Em i bilong sanap long han tasol. Sapos han bilong yu i no strong tumas, orait yu mas putim tupela bikpela matres aninit, nogut yu pundaun na brukim bun.*


# Nupela Gavman



*Praim Minista, Michael Somare i holim Baibel long han na mekim tok promis long ai bilong Gavana Jeneral, Sir Tore Lokoloko. Somare i tok promis long kamapim gutpela wok bilong em olsem PM long nupela gavman.*



*Paias Wingti lap i stap. Husat i tok em i no amamas long kamap namba tu P.M?*



*Ol plisman i karim raifel na was ausait long Haus Palaman. Moa long 700 manmeri i bung i stap. Wok bilong makim nupela PM, Namba Tu PM na Spika i kamap insait long Palamen long Mande, Ogas 2, 1982 na ol dispela manmeri i go putim yau long ol toktok.*




*Lida bilong Melanesian Alaiens, Pater John Momis i wokabaut i go insait long Haus Palamen. Em i laik resis wantaim Michael Somare long kamap P.M. Sori, Somare i kisim 66 vot olgeta na Momis i kisim 40 tasol.*



*Meri bilong PM, Veronica Somare na Nahau Rooney i wet ausait wantaim ol sapota bilong Pangu Pati. Ol i kamap bung long Kokoda Trel Motel long Sande, Ogas 1 na sindaun long kibung bilong olgeta Pangu Pati memba.*





Wing Difens bilong Raukele i laik salim bal i go long suta bilong ol Raukele. Tasol Lydia bilong Nu Nesen i redi long flai i go na stapim em.

## Yuni Lapun - pes 4



Kaman Kanawi! Givim sam long Moses Murray! Bal i sut i go stret. Moses i surik liklik na bal i go pas long net. Kain stail bilong Kanawi i wokim na Sunam i memeim Yuni 4-1.

### Insait:



Hoki pes 3



Meri Soka pes 3



Netbal pes 6



# SANYO

**Pawa inap  
long go  
olgeta hap!**

**Taim emi pawa  
inap long go olgeta  
hap yu laikim,  
askim long traim  
pinis gutpela na  
longpela taim  
bilong Sanyo.**

**Gutpela na ino inap  
bagarap hariap emi  
mak bilong Sanyo  
batri, ol i wokim long  
gutpela samting na  
testim pinis long  
givim yu pawa  
longpela taim.**

**Taim yu laikim pawa  
tasol nogat liklik i  
winim Sanyo!**

**Igat long olgeta  
gutpela elektrik  
stoa, supamaket  
na tret stoa.**

**Laik save gut long  
tret askim long...**

Prais oli givim  
long retail

**17<sup>t</sup>**

Prais inap long senis long  
olgeta ples emi go insait.



## Meridien Breckwoldt Pty Ltd

PO Box 1549 **Boroko**  
Phone 25 6311 Telex NE 22165

PO Box 222 **Rabaul**  
Phone 92 2266 Telex NE 92983

PO Box 72 **Kieta**  
Phone 95 6118 Telex NE 95877

PO Box 1188 **Lae**  
Phone 42 3544 Telex NE 44110

## YUNAITET i autim tiket bilong ol Sogeri long A gret hoki bilong ol meri long Sarere 31 Julai.

Ol studen bilong Sogeri i no bin pilai gut long dispela de. Na ol meri Yunaitet i winim ol isi tru, 2-0.

Ol fowat lain bilong Sogeri i no inap tru long abrusim banis bilong Maria Warupi na Marie Ani long beklain bilong Yunaitet. Warupi i wok long autim bal long winga bilong Sogeri, Elisabeth Walsh.

Sogeri i lukim olsem na ol i no tingting long senis pilai. Ol i wok long salim bal i go yet long Elisabeth. Na Marie Ani na Maria Warupi i wok long stapim em long beklain bilong Yunaitet.

Long ol arapela A gret pilaia bilong ol

meri Magpais i dro wantaim Devils 1-1, na PNIGBC i memeim Togelu 3-0. Long B gret bilong ol meri, Kapit i dro wantaim Sunam 0-0, Magpais i winim Mosbi Hai 1-0 na Nomads i winim Rokets 1-0.

Bihain long pilai bilong Rockets na Nomads, wanpela pilaia bilong Rockets i belhat long Reperi, Molong Taita na em i go holim snot bilong Molong na sakim em i go i kam. Dispela pilaia Gosa Gaius, na ol arapela pilaia bilong Rokets i no bin amamas long we reperi Taita i bin bosim pilai.

Hoki Asoisesen bai kibung long dispela wok long toktok long dispela pasin ol pilaia bilong Raket i bin mekim long reperi.

Tupela wik i go pinis, Presiden bilong Asosiesen, Francis Alik i bin salim wanpela pas i go long olgeta tim long wanem kain mekim save ol tim bai kisim sapos oli kirapim kain trabel olsem long ples bilong pilai. Em i bin salim dispela pas bihain long ol sapota bilong Konepoti i bin kros na traim long paitim reperi.

Dispela kain kros bilong ol pilaia i no kamap nating. Asosiesen i mas traim long kirapim skul bilong ol reperi. I nogat inap reperi long bosim ol pilai.

Planti taim ol reperi i no save kamap long bosim pilai. Na i gat sampela pipel husat i gat laik, na i save long ol lo bilong hoki. Tasol i no gat saveman long givim ol skul bilong bosim pilai.

Long dispela wik, i gat wanpela kos bilong ol hoki kosa i kamap long Nesenel Spot Institut long Goroka. Dispela em i namba wan taim tru bilong wanpela kain kos olsem i kamap long PNG. I gat samting olsem 6-pela pipel bilong Mosbi, Lae, Goroka na Madang i stap insait long dispela 1 wik kos. Sampela arapela provins i no inap long salim ol pipel i go long dispela kos.

Long pilai bilong ol man long A gret, Bismak i lus long han bilong Sunam 1-0. Konepoti na Yuni i bin dro, 1-1. Na long B gret, Every man i dro wantaim Difens, Bismak winim Sandgroper 3-0 na Konepoti i dro wantaim Sunam 0-0.

### HOKI DRO — WIK 12

Sarere, Ogas 7,1982

#### Stedium 2 - Graun 1

12 30	Sandgrop B V Sunam B	Man	Rongap/Pamb
1 40	Bismak B V Magpies B	Meri	Rongap/Hebei
2 50	Bismak A A V Yuni A	Man	Wari/Poki
4 00	Sunam A V Kone A	Man	Clea/Hebei

#### Stedium 2 - Graun 2

12 30	Sunam A V Nomads B	Meri	Hebei/Poso
1 40	Sogeri B V Pom Hai	Meri	Pamb/Chak
2 50	Sogeri A V Devils	Meri	Kili/Poso
4 00	Sunam A V PNGBC	Meri	Pamb/Chak

#### Stadium 2 - Graun 2

Sande, 7 Ogas

9 30	Kapits V Rokets B	Meri	Rosa/Rongap
10 40	Kone V Bismak	Man	Poki/Clea

#### Stadium 2 - Graun 2

9 30	Pom Hai V Difens	Man	Poki/Kili
10 40	Yunaitet V Magpies	Meri	Pumb/Hebei

TIM BYE:

Togelu (A) Meri  
E'mans (B) Man



James Tapo na Roland Abaijah i sambai i stap long helpim golkipa bilong Yuni, Kanawi Manoi. Yuni na Konepoti i bin dro, 1-1.



Sori, Yuni, neks taim! Golkipa bilong Konepoti i kikim bal i go ausait long taim dispela pilaia bilong Yuni i salim i go insait. Tupela tim wantaim i bin dro long pilai bilong ol, 1-1.



Molong Taita i surik i go bek long taim meri Yuni i apim lek long autim bal. Lukaut Molong, nogut em i autim yu wantaim bal!



Lo bilong soka i tok no ken holim bal long han, tasol ating long taim ol meri i pilai, kain kain stail i save kamap. Em ol meri Sunam na Yuniveisit i mekim save hia. Foto - John Brooksbank

MOSBI SOKA DRO

SARERE 7. OGAS 1982  
HMS

Table with 3 columns: Taim Gret, Tim, Reperi. Rows include matches like Livapul V BunBun, Korion V Kiriwina, Guria V Mopi, Kunta V Mopi, Kusebo V Kapits.

ADKOL 1, ADKOL 2, ADKOL 3. Rows include matches like Maegin V Togelu, Amuyawah V Kapit, Sunam V Maegin.

SUNDE 8 OGAS, 1982  
HMS

Table with 3 columns: Taim Gret, Tim, Reperi. Rows include Sunam V Maegin, Seminari V PNGDF.

Table with 3 columns: Taim Gret, Tim, Reperi. Rows include Waliya V Louisiade, Tarangau V Luteran.

Table with 3 columns: Taim Gret, Tim, Reperi. Rows include Amoana V Mungkas, G.F.C V Sogeri.

Table with 3 columns: Taim Gret, Tim, Reperi. Rows include Kunta V Kiriwina, Seminan V Baba.

Table with 3 columns: Taim Gret, Tim, Reperi. Rows include Rapatona V Sogom, Korion V Sesekrnzia.

WEWAK SOKA DRO

SARERE JULAI 7, 1982

Table with 3 columns: TAIM, TIM, REPERI. Rows include 1st Divisen, Primia Divisen, TIM BYE.

Pawa Bilong Yuni i Pinis Nau

YUNI i lapun pinis. Pawa bilong ol i kol na nem bilong ol i wok long surik i go daun nau.

Maski Jasper Patterson o Joe Turia!!! Taim bilong tupela i pinis olgeta. Long 4 klok apinun long Sarere 31 Julai, planti manmeri i pulap tru long Bisini ples pilai. Na ol i lukim wanpela smatpela soka pilai i kamap namel long Sunam na Yuni.

BEN WAUNS

Taim pilai i stat ol sapota bilong tupela tim i raun raun arere na singaut na kirapim bel bilong ol pilaia. Ol fowat bilong Sunam i no wet. Kanawi i go pas na pulim bal i go antap long hap bilong Yuni. Rait winga bilong Sunam i flikim bal i go insait long Kanawi long senta. Wantu, bal i ran olsem katres bilong sotgan.

Moses Murray, islip yet na katres i abrusim em na umben i bruk long baksait. Em wanem nau, namba wan gol bilong Sunam i kamap.

Yuni i no seksek. Patterson wantaim Peter Werei bilong Yuni i pulim lain i go long hap bilong Sunam. Han bilong wanpela fulbek bilong Sunam i pas long bal. Joe Turia i tasim bal na Jasper i paiaim wanpela bulet sut. Em i no makim gut na bulet i flai i go antap winim mak.

Sunam i kisim bal gen na ranim i kam long han bilong Yuni. I luk olsem ol fulbek

bilong Yuni i pilai kaskas tasol. Ol i wok long isi isi na trikim fowat bilong Sunam i go i kam. Tarangu Kanawi Popat i trim hat na bihainim bal yet.

Bal i no go daun long hap bilong Sunam planti taim tumas. Ol beklain bilong Sunam i banisim mak bilong ol gut tru. Gabriel Pise, Alex Marjen, Jasper Patterson na Joe Turia i trai hat tasol ol beklain bilong ol i no givim bal gut long ol. Taim Yuni i ranim bal i go, beklain bilong Sunam i karim i kam bek gen.

Jasper Patterson i salim wanpela gutpela bal i go long Alex Marjen. Bal i go kamap 15 mita longwe long gol pos na flai strong tru i go. Goli bilong Sunam, Willie Bera i kalap antap na pulim bal long han.

Sunam i lukim dispela nau na ol i givim hat wan. Kanawi i sambai wantaim ol beklain bilong Yuni i stap. Bal i wok long flai hariap i go i kam. Yuni i pilai mabel long namel tasol we stap? Sunam i no manki bilong ol.

Sunam i smelim gol pos bilong Yuni klostu klostu. Sapos Kanawi na ol sampela fowat bilong Sunam i stretim lek, Ololobi..... ol inap brukim net bilong Yuni planti taim. Long wanem ol i wok long traun mak tasol bal i save abrus na Moses Murray i ting em i wan.

Wan wan taim tasol Gabriel Pise bilong Yuni i siksti wantaim bal long rait wing i go. Ol poroman bilong em



Hei-i! Bal i go we gen? Guria i kisim bal long graun na siksti wantaim i go smelim gol pos bilong Rapatona.

i no save ran bihainim em.

Jasper i sambai long namel wantaim Alex Marjen bilong Yuni. Tupela i kisim bal na i save trikim gut ol beklain bilong Yuni. Jasper i winim ol beklain na hamaim bal tasol yangpela goli i kalap na pulim bal olsem urita stret.

Planti taim ol fowat bilong Yuni i traun mak, tasol goli i stail moa. Em i putim spring na kalap. Bal i pas long bros bilong em tasol na i go bek. Bal i pundaun long lek bilong Kanawi Popat

na i go kamap long gol eria bilong Yuni.

Moses i tulet long holimpasim Kanawi na net i seksek. Sunam i go pas 2-0 nau. Ol beklain bilong Yuni i no save makim Kanawi gut na em wok long giamanin ol olsem ol liklik pikinini stret.

Narapela gol bilong Sunam gen. Bal i kam long lep sait bilong Moses Murray. Em i mak, tasol goli i stail moa. Em i putim spring na kalap. Bal i pas long bros bilong em tasol na i go bek. Bal i pundaun long lek bilong Kanawi Popat

Maski. Yuni givim nau. Ol sapota bilong Sunam i kirapim das long arasait long ples pilai. Ol sapota i tok ples Manus na danis na skrapim bel bilong Yuni. Ol pilaia bilong Sunam tu i hatim tokpels na ol Yuni i longlong olgeta.

Tupela taim bihain Yuni, i krungutim gol eria bilong Sunam. Tasol ol i abrus na golkipa. Willie Bera i kalap na holimpasim bal. Ating Moses Murray i mangalim stret stail bilong dispela yangpela golkipa.

Reperi Michael Vee i wokim gutpela wok na wisel i wok long kra. Ai bilong em i sap tru. Planti taim em i stapim pilai na toktok strong long husat man i kamap wokim pilai bilong Wau-Bulolo na kikim bun.

Reperi i winim wisel long hap taim nau. Sunam i stap yet long 3 gol na Yuni i no gat.

Tupela taim wantaim i sotwin olgeta. Tasol ol Yuni i luk daun tru. I

no gat narapela tim i save hambak long ol olsem nau. Tasol Sunam i kapsaitim si bilong Bismak na karamapim ol beklain bilong Yuni gut tru.

Ol i go insait long seken hap na Sunam i luk strong moa. Beklain bilong Sunam i plainim strongpela difens lain. Maski Jasper. Maski Alex Marjen o Joe Turia. Yuni i no gat. Ol pilaia bilong Sunam i les long

pilai mabel. Sapos beklain bilong Sunam i salim bal i go long fowat, ol i save ran olsem teksi. Bal i no inap i stap long taim long wanpela hap tasol. Bal i stap long wing na bihain katim i kam insait long namel. Yuni i lusim pilai mabel gen na ol kisim stail bilong Sunam na givim siksti na ranim bal i go i kam. Jasper Patterson i ranim bal long namel i go antap



Klia, Joe Turia! Sunam i no kauntim yu. Ol i giamanin yu pinis na skrapim bel bilong Moses Murray long gol mak. Em i sek na Kanawi i nilim Yuni long tripela gol. Sunam i autim Yuni 4-1.

na salim isi tasol i go long Peter Werei. Peter i kaikai tit na hamaim bal.

Tarangu Willie i flai na kalap long putim bros. Tasol tulet, bal i sut i go pinis. Em nau skoa i sanap olsem Sunam 3 - Yuni 1. Dispela i mekim ol Yuni i amamas liklik. Ruben Tamen bilong Sunam i kisim gutpela pas i kam long Kanawi na Abrusim pinis planti fulbek bilong Yuni.

Tasol ol i pasim rot na givim baksait na mekim em i pundaun kranksi tru insait long penalti eria bilong Yuni. Kanawi i kisim dispela kik tasol Joe Turia i kalap na hetim bal i go arasait long mak.

Tupela tim i hat tru nau. Bal i go antap na i kam daun gen. Das i kirap long namel tasol. Wan wan taim tasol bal i go arere. Yu no inap lukim bal i flai antap.

Em i wanpela smatpela soka gem tru. Long 40 minit bihain long seken hap Ruben Tamen bilong Sunam i ranim bal i go klostu tru long gol eria bilong Yuni.

Em i taitim bun na givim hat wan long bal. Moses Murray i seksek nating na bal i abrusim het bilong em. Aha!!! Namb 4 gol bilong Sunam nau. Yuni i kisim bal long namel i go long hap bilong Sunam. Jasper i slingim wanpela las bulet tasol wara i kolim pinis dispela sotgan bilong em. Goli i sambai i stap na bal i anka long bros.

Reperi i winim wisel long fultaim na ol sapota wantiam ol pilaia bilong Sunam i kalap kalap na daunim poin bilong Yuni stret. Tarangu Yuni i wokabaut skin dai tru i go ausait long ples pilai. Skoa i sanap olsem Sunam 4 - Yuni 1. Sor tumas Yuni. Neks taim.



Em Willie Bera, entaim! Em i spring antap tru na pulim bal long han. Yuni i bel kaskas tru long em. Em tasol i helpim Sunam long krungutim, Yuni 4-1.



Rapatona na Guria i ranim bal i go i kam. Guria i slek na Rapatona i winim ol. Tarangu Guria i lapun pinis.



Maski long apim Sunam, ol i win pinis! Sunam i wok long kalap winim pilaia bilong Yuni na kisim bal i go putim gol.



Oloman! Waia lus o? Traim spring i go na holim pasim bal. Yu mekim olsem bai i brukim net bilong yu. Foto - Donaldson Muiaba

# Semi Painal Sarere

## Long Sarere

**LONG Sarere 7 Ogas Boroko Net-bal Asosiesen bai pilai namba wan semi painal bilong ol. Ol tim husat i stap long namba wan, tu, tri na foaples long lata bai pilai long painim husat tru i kisim sil.**

**Pauline Laki**

Long pinis bilong mun Ogas bai ol pilai Gran Painal. Demons i kisim pes ples, Nu Nesen seken, Raukele 3 na Kempa 4 long A Gret divisen.

Long Sarere Raukele na Nu Nesen i hatim pilai. Tasol Raukele i no pilai smat olsem ol i save pilai bipo. Long namba wan hap Iga i pilai long gol difens bilong Raukele.

Difens bilong em i strong moa yet olsem na em i save pasim gut tru ol suta bilong Nu Nesen. Tasol Susan Kalo na Lydia i givim planti helpim long Tegana sta suta bilong ol na Nu Nesen i go pas long ol Raukele. Raukele i gat planti sans long winim dispela pilai tasol ol i no save salim bal gut na ol i pilai kwik tumas.

Taim ol pilaia bilong Raukele i kam insait long seken hap, ol i rausim Iga long gol difens na putim em i go long suta. Iga i no pilai gut long dispela posisen. Long wanem, posisen bilong em tru em defens. Taim Iga i

pilai long difens long namba wan hap bilong pilai ol i pilai gut. Skoa long pinis bilong namba wan hap em, Nu Nesen 13 na Raukele 10. Tasol long seken hap, Nu Nesen i ranawe long ol na fultaim skoa i sanap Nu Nesen 23, Raukele 12.

Nu Nesen i pilaia kwik tumas olsem na ol Raukele i no inap long pasim gut bal na sut gut long gol.

Long namba wan hap yet, ol Raukele i luk olsem ol bai i dro o kam klostu tru long Nu Nesen. Tasol ol i no save pilai kwik o salim bal hariap. Pilai bilong ol oltaim em i isi tasol na ol i save lukluk gut pastaim na salim bal.

Olsem na taim Nu Nesen i pilai hariap tru ol Raukele i kranki long namba wan hap bilong pilai. Tasol long namba tu hap ol i pait strong tru long stapim ol skoa bilong Raukele. Planti taim ol i stilim bal na ol i no save larim Raukele i bagarapim gol suta bilong ol.

Raukele i lus. Tasol ol bai kam bek gen long Sarere long pilai semi painal. Dispela em i las sens bilong ol. Sapos ol i lus bai ol i aut na wetim 1983.

Long sait bilong Nu Nesen, ol gutpela pilaia em Tegana, Susan, Lydia na Grace. Ol dispela pilaia i klia gut long salim bal hariap, na trik. Trik bilong ol i mekim pilai i go hariap na paulim ol pilaia bilong Raukele.



Mary Au bilong Demons i kisim bal pinis, tasol yangpela ya bilong Kwikila Hai i resis long kisim bal long em.

### NETBAL SKOA - 1-8-82

#### Divisen 1

##### A gret - Kot 1

Demons 33 - Kwikila 8  
N.Nesen 23 - Raukele 12  
Pama 22 - Debona 27  
Kempa 25 - Kilakila 17

##### A risev - Kot 2

N.Nesen 18 - Ripigo 20  
Demons 15 - Bom Pol B 5  
Verave 12 - Alukuni 34  
Koboni 21 - Kone 30

##### B gret - Kot 3

Yuni 33 - Avdev 4  
Pomsec 10 - Gomsta 13  
Bom Pol C 11 - Gorah 14  
Ripi 13 - Kumul 19

##### C gret - Kot 4

Koboni 16 - Amoana 21  
Mixtua 22 - Maegin 22  
Kempa 22 - Chicka 8  
Ali 12 - Lokuru 21

#### Divisen 2

##### A gret - Kot 5

Demons 7 - Param 28  
Kwikila H 18 - Jevaha 16  
Raukele - Avdev (fofit)  
Green 12 - Amoana 13

##### A risev - Kot 6

Chicka 6 - Green 14  
Kilakila H 20 - Mapos 11  
Moukele 19 - Debona 11  
Kone 17 - Galata 4

##### B gret - Kot 7

Avamavu 14 - Quarries 7  
Honeywell 10 - Lokoru 16  
TYG 24 - Maegin 14  
Palip 14 - Liva 13

##### C gret - Kot 8

Gorah - Don (fofit)  
LYG 28 - Togelu 10  
Laloki 14 - Alukuni 16  
Jevaha 27 - Ali Utd 9

#### Divisen 3

##### A gret - Kot 9

Koboni 9 - Verave 19  
Sogo - Moukele (fofit)  
Educat 7 - Liva 9  
Mixtua 16 - Laloki 16

##### A risev - Kot 10

Gomsta 15 - NDIL 7  
D.P.I. 10 - Honeywell 8  
TYG 12 - Bom Col 10  
Pom Sec 17 - Quarries 17

##### B gret - Kot 11

NDIL 15 - K.S 8  
VRF 10 - Mapos 16  
LYG 12 - Don 17  
Avamavu 26 - GRP 9

##### C gret - Kot 12

Palip 12 - Quarries 6  
Gigidza 10 - Kumuls 17  
Educat 20 - K.S 7  
Gorah 16 - V.R.F.C 13

### BOROKO NETBAL ASOSIESEN SEMI PAINAL SARERE OGAS 7, 1982

Taim Tim Reperi

#### DIVISION 1 A GRET

##### Court One

1.00 Demons V N.Nesen R.Flynn/Kassman  
2.00 Debona V Raukele J.Ravus/E George  
3.00 Sadukea V Isou A.Amini/J.Garro  
4.00 Ginima V Tauruba C.Chu/N.Guria

#### A RESERVE

##### Court Two

1.00 N.Nesen V Koboni Kendi/T.Alu B  
2.00 Isou V Sadukea Launa/Kapi  
3.00 Ripigo V Kone Rumery/Kalo  
4.00 Winner 1pm V Demons Maluna/Kassman

#### B GRET

##### Court Three

1.00 Yuni V Avdev Debona/Raukele  
2.00 Ginima V Gangwe M.Ravus/Morde  
3.00 Gorah V Gomsta P.David/Noka  
4.00 Winner 1pm V Ripigo R.Vele/Isou

#### C GRET

##### Court Four

1.00 M.Bareks V Gangwe Kempa/Lokoru  
2.00 Lokoru V Kempa T.Au/I.Vala  
3.00 Amoana V Maegin R.Apana/R.Anubi

#### DIVISION 2 A GRET

##### Court Five

1.00 STS V Talai Green/Kwik/k  
2.00 Green V Kwik/K Kalo/Talai  
3.00 Amoana V Param M.Au/Launch  
4.00 Winner 1pm V Elcon Amoaan/Param

#### A RESERVE

##### Court Six

2.00 Galata V Kila/K Mouk/Kone  
3.00 Mouke V Kone Galata/K.K.H

#### B GRET

##### Court Seven

2.00 T.Y.G V Maegin Avama/L.Tore  
3.00 Auamavu V Quarries T.Y.G/Maegin

#### C GRET

##### Court Eight

2.00 Alukun V L.Y.G Don/Laloki  
3.00 Don V Laloki Aluku/L.Y.G

#### DIVISION 3 A GRET

##### Court Nine

2.00 Verave V Sogu Liva/Mouk  
3.00 Liva V Mouk Verave/Sogu

#### A RESERVE

##### Court Ten

2.00 Honeywell V T.Y.G Goms/NDIL  
3.00 Gomsta V NDIL H/well/T.Y.G

#### B GRET

##### Court Eleven

2.00 Mapos V Auama Donc/L.Y.G  
2.00 Don V L.Y.G Mapos/Avama

#### C GRET

##### Court Twelve

2.00 B.Kumul V V.R.F.C Gorah/Educat  
3.00 Gorah V Educat Kumul/V.R.F.C

## Vanimo Soka

**SEKEN raun bilong Vanimo Soka Asosiesen i pinis long las wik. Olgeta tim bai kisim malolo long dispela wik na long narapela wik bihain bai pilai i kirap gen. Olgeta tim bai go insait long Nokaut kompetisen. Na bihain long dispela bai sampela i go gen long semi-painal.**

Ol tim i smat long pilai bai go stret long gren painal.

Daunbilo i skoa bilong ol gem i kamap long Sarere las wik.

#### A DIVISEN

Waromo 3 - Difens 2  
Momase (1) - Sunam 1  
Nalu (1) - Yako 1  
T'ngau 0 - Guria 1 0

#### B DIVISEN

B/Dwlas 1 - Momase 2  
Waromo (2) - K/Brata 2  
Lido 3 - Nalu (2) 2  
Guria BYE

Hia em Poin Lata bilong Seken Raun.

#### 'A' DIVISEN

Guria - 12  
Waromo - 19  
Difens - 15  
Momase - 14  
Yako - 13  
Nalau - 12  
T'ngau 10  
Sunam - 9

#### 'B' DIVISEN

K.Brata - 18  
Waromo - 17  
Lido - 14  
Guria - 12  
Momase - 11  
Nalu - 10  
B/Dwlas - 3

**TOK SAVE:** Nok - aut kompetisen bai stat long Ogas 14, 1982.



Semi Painal bai kamap long Ogas 21 na tu long Ogas 28. Bihain long dispela bai ol i kamapim Gren Painal. Ol dro bilong dispela gem bai kamap bihain.

**PHANTOM COMIC**

Pantom komik 739 i gat tupela stori long en. Namba wan stori em long ol gridi man husat i laik stilim wanpela daiman long hap bilong Pantom. Ol i karim ol masingan bilong pait na go insait long ples bilong ol Bandar. Bai Pantom inap long stapim ol o nogat. Painimaut long taim yu ritim Pantom No.739.

**NO 739**

# Mitsubishi Pajero: when you just have to get there



*PAJERO IS READY for PNG's toughest conditions. Rocks, sand, rough roads — Pajero is with you all the way.*

*PAJERO IS POWERFUL, with Mitsubishi's 2555cc four cylinder OHC petrol engine and full 76 kW (103 ps), or if you prefer diesel, the proven reliable 2346cc 4 cylinder OHC unit. Both engines boast the renowned Silent Shafts balancing system.*

*PAJERO PERFORMS, with it's superb ground clearance, amazing climbing ability and an uncanny maximum lean! With it's powerful disc brakes, strong shock absorbers and rib-lug dual purpose tyres, the Pajero is all set to forge ahead.*

*PAJERO LOOKS TERRIFIC; it's comfortable and roomy and has a long list of standard and optional equipment.*

**GET INTO PAJERO, NOW!**

*At these Good Deal Dealers:*

*PORT MORESBY and LAE: Toba Pty.*

*Ltd., KAVIENG: Kamsco, RABAUL:*

*Rabaul Garage, MADANG: Steamships,*

*MENDI: Mendi Motors, WEWAK: Lus*

*Development Corp, ARAWA:*

*Bougainville Motors, KUNDIAWA: Kimbe*


*Kar Sales, Kimbe, MOUNT*

*HAGEN: Hagen Haulers, GOROKA: S&L*

*Motors, MANUS: Michael Wing You,*

*BUKA: Wong Kui.*

## MITSUBISHI PAJERO



Four-Wheel Drive

# 4WD

*Felis pajeros, or Pampas Cat as it's called in English, is a metre-long feline known for its short skull and rich, yellowish-grey fur. It lives in the wilds of Patagonia, in South America.*

**TOBA**  
PTY LTD



HEB 1693



ORGANIC LAW ON NATIONAL ELECTIONS  
POLLING SCHEDULE

SUMKAR OPEN BY-ELECTION

DAY	DATE	POLLING PLACE	VILLAGES
<b>TEAM 1</b>			
1	Sat 14 Aug 1982	Bakul Council Chambers	Kinim, Kaviak, Keng, Mater, Dorokotam, Miak Station, Kinim Station, Kaviak Pltn.
2	Sun 15 Aug 1982	OBSERVE	
3	Mon 16 Aug 1982	Marangis	Marangis, Mom, Kulkul Pltn, Marangis Pltn.
4	Tue 17 Aug 1982	Kulkul	Kulkul, Buson, Kurumtaur, Kurburne, Kurumlang.
5	Wed 18 Aug 1982	Mangar 2	Mangar 1 & 2, Tabel, Wokilon Pltn
6	Thurs 19 Aug 1982	Kilden	Kilden, Moban, Kuduk, Bafor.
7	Fri 20 Aug 1982	Kurum	Kurum, Kurum Pltn, Gaubin, Dogowan Plt.
8	Sat 21 Aug 1982	Marup	Marup 1 & 2, Lilo, Wakon, Kevasop, Tabong Pltn.
9	Sun 22 Aug 1982	OBSERVE	
10	Mon 23 Aug 1982	Boroman	Boroman, Did, Gamog, Kumoria.
11	Tue 24 Aug 1982	Biu	Biu, Dumad, Dangsai, Patilo, Urogen.
12	Wed 25 Aug 1982	Kavailo	Kavailo, Katom, Pain, Warat Utun, Kavailo Pltn, Biabi Pltn.
13	Thurs 26 Aug 1982	Wadau	Wadau, Kubam, Muluk, Yagadun, Wadau Pltn.
14	Fri 27 Aug 1982	Ngor	Ngor, Bulu Pltn.
15	Sat 28 Aug 1982	Kaul 3	Kaul 1, 2 & 3 Mapor, Apari, Gaum Pltn.
16	Sun 29 Aug 1982	OBSERVE	
17	Mon 30 Aug 1982	Urugen	Urugen, Sangana
18	Tue 31 Aug 1982	Narer	Narer, Sikentika, Apare.
19	Wed 01 Sept 1982	Tugutugu	Tugutu, Deldugu, Kulili Pltn.
20	Thurs 02 Sept 1982	Gial	Gial, Dimer, Koropak.
21	Fri 03 Sept 1982	Bangme	Bangme, Langlang, Tarak
22	Sat 04 Sept 1982	1500 hrs move to Matiu 1 - AM Badilu - PM	Bagabag Is by Govt Trawler. Matiu 1 & 2 Badilu Pltn.
<b>TEAM 2</b>			
1	Fri 13 Aug 1982	Team move out to	Dylup Pltn ex Madang.
2	Sat 14 Aug 1982	Dylup Pltn	Dylup Pltn.
3	Sun 15 Aug 1982	OBSERVE	
4	Mon 16 Aug 1982	Garup	Garup, Budum, Eleiber, Dudula, Mosimo, Kurum.
5	Tue 17 Aug 1982	Megiar Village	Megiar, Aronis, Nom, Wasabamal, Baranis, Megiar School.
6	Wed 18 Aug 1982	Mugil Pltn	Liksal, Saulis, Udisis, Mugil Pltn & Mugil Health Centre.
7	Thurs 19 Aug 1982	Matukar Pltn	Matukar, Kudas, Bunu 1 & 2, Wasab, Matukar Pltn.
8	Fri 20 Aug 1982	Dorum	Dorum, Anhabak, Balabag, Sigu, Badimfok.
9	Sat 21 Aug 1982	Banap	Banap, Abab, Bemdik, Bilakura, Burbura, Yoidik, Bagildik, Talidig Police Stn, Aid Post, Vocational & Community Schools, Pltn Hotel.
10	Sun 22 Aug 1982	OBSERVE	
11	Mon 23 Aug 1982	Deda	Deda, Murunas Pltn, Wewak Timbers Hululan Pltn, Balbe, Miak, Asiwu.
12	Tue 24 Aug 1982	Kawe	Kawe, Semp, Remp, Bomasa, St Boniface School.
<b>TEAM 3</b>			
1	Sat 14 Aug 1982	Wanambre	Mabet, Wanambre, Katekot, Tinami
2	Sun 15 Aug 1982	OBSERVE	
3	Mon 16 Aug 1982	Henengabe	Henengabe
4	Tue 17 Aug 1982	Hinion	Mesekor, Hinion.
5	Wed 18 Aug 1982	Perene	Perene
6	Thurs 19 Aug 1982	Kumbu	Kumbu, Embol, Yaure.
7	Fri 20 Aug 1982	Seremben	Suburam, Seremben.
8	Sat 21 Aug 1982	Sewan	Sarisabu, Sewan.
9	Sun 22 Aug 1982	OBSERVE	
10	Mon 23 Aug 1982	Reinduk	Reinduk.
11	Tue 24 Aug 1982	Bunabun	Asimbun, Bunabun, Pepour, Tavulte.
12	Wed 25 Aug 1982	Murukinam - AM Malas - PM	
13	Thurs 26 Aug 1982	Tokain - AM Imbarb - PM	
14	Fri 27 Aug 1982	Mirap, Karkum - AM, Imbarb - PM	
15	Sat 28 Aug 1982	Sarang	Sarang, Basken.

THE CHIEF POLLING PLACE WILL BE AT BAKUL COUNCIL CHAMBERS

NORMAN PHILEMON  
Returning Officer.



# Going Places



COLLEGE of EXTERNAL STUDIES

## High School at home - COES helps you with your studies.

COLLEGE of EXTERNAL STUDIES

No. 8

Mea stood in the crowd. She was cheering for Mary. 'Hooray, come on Mary! You're a fast runner! You'll win!' Mary was leading in the 200m race but suddenly she dropped back to last then pulled out of the race altogether!

Mea ran over to where Mary was lying on the grass. 'What's the matter? Only 200 metres and you dropped out! 'I feel so tired,' Mary replied. 'Did you eat breakfast this morning?' 'No, I was too excited. I didn't eat anything.'




Mary ran out of ENERGY she hadn't eaten any food.

WHERE DOES THE ENERGY COME FROM?

We get energy to do work and stay alive from our food.




Sunlight gives ENERGY to plants to make them grow



This corn plant has some of the Sun's ENERGY stored inside it.



A chicken eats the corn. Now the chicken has some of the sun's ENERGY that was in the corn.



A man eats the chicken. Now he has some of the sun's ENERGY. He can do work using ENERGY from the SUN!




All living things depend on the Sun to give them the energy to stay ALIVE!

Now, answer this question: What gave you energy to do work today?

ANSWER: \_\_\_\_\_

Check your answer here

Hello Sun!  
You came up!  
We knew you would  
You always do!  
Hooray for you!



ANSWER: The Sun did

## CHALLENGES PUZZLES:


By Mr Brian

Here is a puzzle:

You can use match sticks or just sticks from a tree, all of about the same length, and coins. Or you can just think them out on paper. A space is provided for you to draw the answer, or write it. The first puzzle is done for you.

### PUZZLE ONE

Can you help Heni? He has three pigs. Each pig is kept in a separate pig pen. The three pens look like this:



Heni has just bought another pig. He has no money to make another pen. How can he make 4 pig pens just by moving around the ones he has now?


ANSWER:

ANSWER: NEXT WEEK

### PUZZLE TWO

Morea is a farmer. He has 10 sections of fence. Each of his 5 pigs need a separate pen.

Can you make 5 separate pig pens, of equal size, from the 10 sections of fence?



ANSWER:

ANSWER: NEXT WEEK

If you would like to know more about studying with COES write to:  
The Principal  
College of External Studies  
P.O. Box 500  
Konedobu  
Your name .....  
Address .....  
.....  
.....

I am interested in enrolling in:

Grade 7

Grade 8

Grade 9

Grade 10

(Please tick  one box only)





# Living and Learning

## ELECTRICITY BILLS



Last week you saw how ELCOM calculates the amount of electricity you use. This is done when the meter at your house is read.



Power used 40 UNITS

This month's reading

Last month's reading

The meter is read once a month and you are billed for the power you have used.

ELCOM has divided Papua New Guinea into 3 groups. Certain areas of the country fall within one of these groups.



Here are the 3 different groups and the rates ELCOM charges for each of them.

**GROUP 1 - Hydro power.**  
 Port Moresby, Kieta, Arawa, Lae, Madang, Goroka, Kainantu, Kundiawa, Mt. Hagen, Yonki, Kerowagi.  
 All KWH - 11.5tKWH

**GROUP 2 - Diesel 1 Centres:** Wewak, Rabaul, Kerevat, Kavieng, Samarai, Alotau, Lorengau, Lombrum, Popondetta.  
 First 50 KWH - 11.5t KWH  
 Over 50 KWH - 15.7t KWH

**GROUP 3 - DIESEL 2 Centres:** Kimbe, Daru, Kerema, Vanimo, Mendi, Aitape, Buka, Finschhafen, Maprik, Bainyik.



This means that you pay 11.5t for each unit used for the 1st 50 units. Any units over 50 are charged at a higher rate.



If you live in one of the areas in Group 1, how much will you have to pay for 40 units?

**GROUP 1:**

The rate is 11.5 toea for every unit used. So, for 40 units, the charge will be 40 x 11.5t =K4.60

**CALCULATIONS:**  
 40 units: 40 x 11.5t =K4.60

The bill you get will show details. If you are in group 1, the bill will be like this:

Last month's reading:

METER READINGS	DIFFERENCE	KILOWATT HOURS	TARIFF	K	t
→ 85106	40		K11.5t	4.	60
85146					
This month's reading		CURRENT		4.	60
		OUTSTANDING as at			
		TOTAL AMOUNT		4.	60



If you have not paid any earlier charge, it will be shown here.



If you were at KEREVAT how much will you have to pay for 40 units?

Kerevat is in group 2. The rate for group 2 is

First 50 KWh → 11.5t per unit

Over 50 KWh → 15.7t per unit



If you were at KEREMA how much will you have to pay for 100 units?

KEREMA is in Group 3. The rate for group 3 is  
 First 50 KWh - 11.5t per unit  
 Over 50 KWh - 26t per unit

First 50 units cost 50 x 11.5t =K5.75

Balance 50 units cost 50 x 26t =K13.00

TOTAL = K18.75

You would have to pay K18.75.



But supposing I used 100 units. How much would I have to pay?

**IN THIS CASE YOU WOULD PAY**

First 50 units 50 x 11.5t =K.75

Units above 50

(100-50) 50 x 15.7t =K7.85

So, YOU WOULD HAVE TO PAY

K5.75 +K7.85

THAT IS K13.60

It costs Elcom more to produce and supply power for groups 2 and 3 - Diesel 1 and Diesel 2 centres.

So, they charge different rates from those who use power to meet the added costs.



## PROGRAMME 19: CASSETTES

Broadcast on Thursday, August 12th, at 6.10 p.m. on RADIO ONE.

This week's programme is unusual. COES is starting to produce cassette materials for students and for anyone else who wants them. They will be based on COES courses at first, but we will try different things later.

We have some visitors up from Townsville in Australia who are helping us. In the programme you will hear what they are trying to do and what the teachers at the College are learning to do. We feel that correspondence students and others in PNG sometimes need help with LISTENING and SPEAKING about subjects.

When you go to work for companies, in government, or go into training, people will be explaining things to you. It is not enough to READ.

So, our competition this week is to see who has the clearest ideas about what COES should do, both on cassettes and radio, and see how well you write them.

But please, even if you can't write well, tell us as much as you can about what you would like.

## PROGRAMME NINETEEN COMPETITION

Your name: \_\_\_\_\_

Your address: \_\_\_\_\_

Are you a COES student? \_\_\_\_\_

1. Do you have a radio? \_\_\_\_\_

(or can you borrow one?) \_\_\_\_\_

2. Do you have a cassette player? \_\_\_\_\_

(or can you borrow one?) \_\_\_\_\_

3. How much do you think is a fair price for a cassette (C60) made at COES? \_\_\_\_\_

4. What would you like to have a cassette on? Here are some ideas. Recordings of COES lessons, special cassette courses on Simple English, or other subjects like Social Science and Commerce. Maths puzzles. Stories read from books (with the books). Stories and riddles..... what do you think?

\_\_\_\_\_  
\_\_\_\_\_  
\_\_\_\_\_  
\_\_\_\_\_  
\_\_\_\_\_

Cut out and sent to RADIO CLUB, BOX 500, KONE DOBU.

new nation August

Ogas New Nation

Baim Nau 60t

HAPPY FIFTH BIRTHDAY TO US!

SPARKA

MOA SPARKA  
YU DRINK  
MOA FRI SPARKA  
YU KISIM

Hei ol Amigos!

Noken toromoi ol Sparka botoltop, bai mi givim yu wanpela fri Sparka long olgeta wanpela ten faiv Sparka botoltop yu kisim ikam long Sparka fektri.

na tu

Amigos olgeta taim yu kisim ol botoltop ikam, bai mi raitim nem wantaim namba bilong ol botoltop. Long namba 31 de bilong mun Disemba wanem man igat bikpela namba bai winim wanpela gutpela Redio Keset Plea.

Resis bai pinis long namba 31 de bilong mun Disemba

Hohola Softdrinks Pty. Ltd., Koani St., Gordons.

PICK IT UP MOBESBY

HEB 1687


# The Imp\* and the Elephant

\* An Imp is a cheeky little rascal.

Wakayima, the imp, was a light and agile little animal, to say nothing of his wit. He danced better than all the animals of the forest. Wanjovu, the elephant, however, could never dance because of his size and he felt so awkward when everybody else was enjoying themselves. So he approached Wakayima after one dancing party and asked him to help him learn how to dance. Wakayima taught him a few steps and Wanjovu tried to follow, but it was no good. All the compliment he got was 'not too bad, rather poor.' Wanjovu would never make it.

Wakayima quickly saw the cure if only Wanjovu could get rid of that fat behind he would then be able to dance. He proposed to Wanjovu that if he taught him to dance he would like as a prize a big piece of Wanjovu. Wanjovu agreed to anything so long as he could dance. Wakayima then began the operation on Wanjovu's behind. Wanjovu tried desperately hard to be brave but all in vain; he had to screech and scream and howl. Wakayima tried to keep him still but he kept moving about, not knowing that all the while Wakayima was sitting on his back so he could not escape the operation., Wakayima was enjoying the whole thing extremely well.

After the operation, when the best part of Wajovu's behind was on the fire sizzling in the pot, Wakayima again invited Wanjovu to join him in a dance. But he was paralysed. Wayakima took the meat and went chuckling away. 'You think you will ever dance?' he asked the dejected Wanjovu. So that is how Wanjovu came to have a straight backside.



## KOLIM HAMAS MANI-No.11

**Lukim mani bilong yu kamap bikpela, winim**

**8%**

OLGETA YIA  
LONG PASBUK AKAUN WE MANI  
BILONG YU I REDI TASOL.  
NA MOA LONG

**11.5%**

OLGETA YIA  
LONG MANI BILONG YU I STAP  
ANINIT LONG K50,000 NA SPESEL  
WINMANI LONG MANI I WINIM K50,000

YU KEN KISIM MOA TOKSAVE LONG  
NIU SAUT WELS BENG LONG  
HAP BILONG YU.



BANK OF NEW SOUTH WALES  
( PNG ) LTD.



Glasim gut poto na kolim hamas mani i stap long poto.

## NUPELA RESIS-WINIM MANI

WANTOK i kirapim wanpela nupela kain resis long winim mani. Resis i go olsem: Yu mas glasim gut piksa antap ya. Traim kaunim ol mani i stap long piksa. Taim yu kaunim pinis, orait, raitim namba bilong mani long fom ya na salim i kam long Kaunim Mani, Box 1982, Boroko.

Long olgeta tupela wik bai mipela sekim ol fom i kamap hia long opis. Sapos man i kolim namba stret, bai em i kisim olgeta mani i stap hia long poto.

Namba 10 resis i pinis. Mani insait long en i K52.30. No gat man i kolim stret tasol Joe Purehui, Box 259 Arawa i kam klostu taim em i tok K52.16. Joe yu redi K10,00 i flai i kam long yu. Resis namba 11 i op nau. Em i las resis na bai i go 3 wik olgeta. Long dispela resis maski yu no kolim stret mani man i klostu tru bai kisim olgeta mani insait long poto. Wasim ai, taitim bun na traime. Em las resis.

Nem .....  
P.O. Box .....  
Taun .....  
Namba bilong Mani K .....

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.